

東

華

續

錄

光緒一百六十五

朱壽朋敬編

張毓英恭校

光緒二十七年辛丑春正月戊辰朔 慈禧端佑康頤昭豫

后御便殿 上率

王公百官行禮畢御便殿受賀○己已諭向來順天直隸各屬被災地畝於新正加恩分別蠲緩錢糧以恤民艱上年畿輔一帶地方不靖尚未查明具奏惟今春青黃不接之時民力更形拮据實深軫念著李鴻章卽飭藩司迅速查勘應如何酌量辦理之處分晰具奏候旨施恩用副股端布德嘉惠畿疆之至意○奕劻李鴻章電致 行在軍機處頃據英薩使照會稱歸化城武官周尼思一案今得親眼目觀該員被害細情之人供稱華歷本年六月十八日周尼思經中國兵隊由包頭送往歸化城該城兵隊將周尼思帶至同知署復帶往道署鄧道文欽不肯保護周尼思投宿旅店次早復往道署請照未發鄧道赴綏遠城見將軍承德遂派旗兵五百往歸化城鄧道回署周尼思再往道署鄧道坐堂列兵令其長跪詢何國人所司何事答以游歷將圖呈圖請鄧道令兵將周尼思綑縛或云周尼思手插入袋鄧道疑取手鎗揮令下堂行至署外有人從背後推跌兵卽持刀向所登時遇害該兵至客寓將從人四名押禁廳獄

二名旋餓死二名解回湖南原籍周尼思行李被搶書籍被焚九十冬月屢有公文偵詢將軍巡道均諉不知等情查周尼思係本國大行君主欽命之員護照載明請各處官員照約保護該員因中國所允查考鐵路沿途各官皆照約相待不圖將軍巡道故悖成約安心謀殺將無辜游歷者無端狡謀陷竅慘殺斃命無論如何措辭毫無可原之處本大臣意見業已聲明合將所討抵償各情卽行指出四天之內應由八百里加緊驛站飛飭將將軍承德立卽捕押監禁當於英武官周尼思被殺處所與旣已監禁之巡道鄭文欽一同斬決尙有討者該二員因何獲罪如何懲辦由軍機處發鈔所擬鈔稿於未發之前先行送與本大臣閱看等語前據奎順查覆鄭文欽將周尼思延至道署問話送至西轅門卽被拳匪殺斃委員原稟亦稱該道以拳匪釋心請屬難信其爲該道指殺毫無疑義等語則鄭文欽擅殺無辜按諸中國律例亦應擬抵綏遠將軍承德派兵至五百名之多是否意在殺害英官雖無證據惟事前輕派兵隊事後又諉不知今英使有詞殊難折服況該使悍戾險很迴避尋常當懲辦首禍大案未定適滋多口合將英使照會擬請以承德鄭文欽擬抵各情電請代奏伏候 宸斷施行 上諭軍機大臣等奕劻李鴻章東電悉前據奎順查覆著歸綏道鄭文欽戕害過境洋官周尼思屬實自應從嚴懲辦鄭文欽著卽行正法惟綏遠城將軍承德據奎順查無派兵之事論洋官一人亦何至派兵五百名之多究竟是何實情

自應確切查明由辦水德著先行革職聽候查辦該親王等即就近傳旨令奎順復查實在情節如果承
德實有縱令戕害洋員確據定行重懲俟定案明發諭旨時先行送與英使閱看再行發鈔即著奕劻李
鴻章照此辦法切告英使即行電奏○庚午以何福堃為甘肅布政使潘效蘇為甘肅按察使○署福州
將軍壽聯卒賜卹如巡撫例○諭此案首禍諸臣昨已降旨分別嚴行懲辦茲據奕劻李鴻章電奏按照
各國全權大臣照會尙須加重懲請酌奪等語除載前已賜令自盡毓賢已即行正法均各派員前往
監視外載瀾載澗均定為斬監候罪名惟念前屬總親特予加恩發往極邊新疆永遠監禁即日派員押
解起程剛毅情罪較重應定為斬立決業經病故免其置議英年道舒翹昨已定為斬監候著即賜令自
盡派陝西巡撫岑春煊前往監視啟秀徐承煜各國指稱力庇拳匪專與洋人為難昨已革職著奕劻李
鴻章照會各國交回即行正法派刑部堂官監視徐桐輕信拳匪貽誤大局李秉衡好為高論罔執醜
均應定為斬監候惟念臨難自盡業經革職撤銷卹典應免再議至禍首諸人所犯罪狀已於前旨內逐
一明白聲敘矣○壬申電 諭奕劻李鴻章懲辦首禍一案業經按照照會辦結則和局亟應早定以便
商令撤兵所有各條亦宜迅速妥商籌辦毋再宕延昨擬改諭旨二道不得已均照來電更正頒行惟必
須將傳教一事定立妥章以免後患無窮官民交困儘可約同不傳教之俄日兩國及雖傳教素最和平

之美國公議教士不得再有欺陵平民干預詞訟等事向法德英三國會議妥定約章永遠遵守總期日後民教相安若一味嚴束平民激成大變即各國教士教民亦大有不利而中國之大員地方官不勝罪愆民情怨憤人才消沮何以爲國此次大亂亦實因教民平日欺侮良民積憤莫洩拳匪因而煽惑所致聞各國公使亦頗知此中情形務趁此商議條款之時一併妥籌商定不允專條以杜後患是爲至要○論上年山西陝西被災甚重適值駐蹕差務較繁河南亦有偏災且係運道所經均不免藉資民力業經該撫等奏請分別調緩錢糧小民諒可不至失所惟念今春青黃不接之時民情恐形困苦著錫良等春煇于該霖即飭各該藩司迅速查勘應如何酌量撫恤之處分晰具奏候旨施恩用副朝廷陽和布闡嘉惠黎元之至意○先是奉天將軍增祺代遞黑龍江將軍壽山遺摺稱據藍翎五品頂戴黑龍江正白旗漢軍西丹慶恩呈稱竊生父前署黑龍江將軍世襲騎都尉壽山於本年八月初四日在任殉節當危急之際授有遺疏稿並片稿共三件命於出險後繕寫稟呈所在地方官懇請代奏現將靈柩浮厝於都爾伯特蒙旗界內因道路不通遲至於今始抵秦省將遺摺一件附片兩件呈請代遞前來伏查壽山由河南知府蒙 恩擢任黑龍江副都統旋奉 諭旨署理黑龍江將軍到任以來整頓旗務辦理邊防具任事勇敢久在 聖明洞鑒之中本年夏秋之間拳匪肇亂邊衅遽開其戰事始末具詳該前署將軍遺疏

無事再述惟其見危授命死事之慘烈尙無虧於大節謹將遺摺片代呈 御覽壽山奏北路官軍於七月十五十六等日自黑龍江城之頭站退守北大嶺並在嶺東戰勝西路官軍亦於七月初九以後自呼倫貝爾城之海拉依敏兩河岸退守雅克圖均經先後奏陳在案其時即以該各嶺間道歧出軍士積勞過久精銳傷亡地險兵虛爲敵乘旋據北路營翼長恆玉電稟俄兵於七月二十一日又以大隊來攻我軍力戰卻之然既退之後敵仍伏匿樹林似有詭計當囑該長嚴防穩守多派弁兵偵探勿得貪功進剿正飛飭間忽據營務處幫辦來鶴電稟俄於二十二日寅刻包抄過嶺勢不可當鎮邊新軍右路統領崇玉鎮邊新軍中路右營營官德春義勝軍右路右營營官端昌陣亡其餘傷亡甚多現退四站隨又據署副長恆玉暨前敵諸文武陸續報回前情並稱各軍皆知此嶺爲通省緊要關鍵拚命抵敵前死後繼卒以寡寡懸絕致將我軍衝成數段現在收羅殘隊有一哨僅剩數人者零星歸併共不過湊足馬步兩營而敵兵逾嶺而南勢若建瓴頭頭是道墨爾根布特哈兩城官弁旗民又皆望風逃散勸之不止空無憑藉萬難駐足不得已復自四站退至布特哈屬訥默爾河南岸極爲懸河扼守之計各等語其雅克圖一路自護理呼倫貝爾副都統全德統領保全吉祥等退守後俄兵亦即跟蹤繼至該各統將銳意恢復速於七月十六日商以保全所部鎮邊練軍步隊中路中前左右四營吉祥所部義勝左路中左馬

步兩營出鎮截戰，奴才得信業已迫止。不及據報，初戰捷利於十七、十八、十九等日，連獲勝仗三次，踏破俄營九座，壓追二百餘里，無如深入無繼。二十日黎明進至呼倫貝爾城不遠之小橋子黑山咀一帶，俄人援師大至，漫山遍野，全德保全分路抵禦。吉祥以其義勝左路馬步隊居後策應，戰至日昃，俄人四面包抄，愈裹愈厚，保全大呼陷陣，策馬於敵兵鎗礮密處死之所，部弁兵半隨戰歿，僅保全、德、吉祥與鎮邊營官傅岐、標張毓芳等潰圍而出。口口雅克嶺僅有義勝左路五營，齊山省續發之義勝中路左右兩營防務益形單薄。奴才方加切實文軋，總梗道路不通，蓋俄人已由雅克嶺內百餘里火燈溝口竄入。據我大兵之後，矣刻下分路哨探前路敵兵業於八月初一、二日抵省西庫庫爾科運河一帶，距省不過百餘里。北路敵兵前於七月念七日抵訥默爾河北岸，月初渡河南下，旦夕即當至省。此北路西路兩大嶺，黑爾根布特哈兩城相繼失陷，敵兵逼近省垣之實在情形也。查省防僅有制兵兩營，義勝中路中前後三營。其奉省撥助之仁字三營前一兩日始到，而侍衛連瑞在奉招募之義勝前路新營與夫奉省接濟之鎗礮本省自購之智利快鎗仍遠隔在數百里外也。夫新營未到不足惜，所最缺者鎗礮耳。本省前募義勝左右兩路均係以壞鎗來福鎗及各種土鎗搭配散發餘，即標鎗土鎗亦無從搜給。故省城自有之隊名爲五營，其實與無營同。雖近日到有奉省仁字三營區區千數百人，亦奚濟乎。如是則戰雖然使山川

形勝有險可憑抑或眾志成城人心穩固則不能戰獨可守省城平原曠野面面受敵而事至今日士氣之沮喪軍情之渙散更無論已即使勉強抵禦亦無持久之方徒致一害闔城生靈於大局終無益也如是則守難或曰將軍統轄全省不在齊齊哈爾一城之守不守也則不能守亦可退不知西路敵兵既至庫庫爾科連河等處幾盡江西之地而有之是江西不能退北路敵兵既至布特哈度必出兵莽龍運襲呼蘭該城南有哈爾濱絡其前北有莽龍附其背危險略與省城同是呼蘭不能退至省南各站更無形勢足扼之地除非越境無可駐足然越境一步奴才無死所矣如是則退難適蒙 諭電鈔七月廿日 簡授全權大臣 諭旨知中外將戡干戈因派行營營務處程德全辯論至再至八月初一日定議俄兵至省不聞一鎗亦不得朝廷已遣使議和彼此應即停戰程德全辯論至再至八月初一日定議俄兵至省不聞一鎗亦不得博燒民房妄殘民命該俄帶兵官一一應允訖奴才隨即分飭北路翼長恆玉東路翼長慶祺一律停戰恆玉帶兵回省預備出境慶祺可守則守否則亦速出境該各翼長出境應某何處應候增祺長順請旨定奪然俄人意在截留鎗械屆時追索必急恆玉慶祺能否全師以出實難預定仁字三營仍令回奉由奉運來鎗礮諸物亦留留之伯都訥奴才復於八月初三日將將軍印信送交副都統薩保護理並留程德全佐之以便主持和局奴才謹守軍機則死之義一俟經手事件料理稍竣當即畢命於斯惟近日

疊奉 寄諭深斥奴才不應妄開邊衅竊查六月初一日以後奴才之與增祺長順楊儒等電商者不知凡幾與伯力海蘭泡俄督撫哈爾濱俄監工電商者又不知凡幾皆約令彼不增兵我任保路卽至奉省開仗奴才猶切切言之惟中間有與長順會攻哈爾濱之約因見事機日逼謀爲先著之爭而來往電商撤兵保路仍如故也迨後六月十八黑龍江城開仗寶山廩米陸續先發難端在彼業已開鎗在我勢難束手此中曲折奴才所致增祺長順楊儒暨俄督撫監工等各電具在無難覆按然私衷所深痛者以皇太后 皇上加恩奴才之重倚畀奴才之殷奴才事前既不善彌縫事後又不能固守喪師失地至於此極雖萬死奚足蔽辜不能自贖於今生惟有圖報於來世而已抑奴才更有陳者事平之後如江省不能贖回則已如能贖回伏求 皇太后 皇上簡任英毅嚴斷任勞任怨之大臣來鎮是邦必如崇實之於奉天鈺安之於吉林而後內政孔修外侮足禦省城暨呼蘭通省兩副都統所治之城宜添設民官呼蘭綏化兩屬員缺亟宜改歸外補旗地墾地均應招放民荒沿邊兩城尤須變通興舉至於調劑各城旗人之法均於招民開墾之時各撥司旗隨缺地並酌留旗屯孳生地有隨缺地官軍均不患貧有孳生地耕牧皆有所託否則若如通省旗領民佃用意非不周密其實膏腴之地均爲在官諸人巧取貧丁仍無所得且務本之民以爲地非己有不願認佃其認佃者又皆別有希圖往往名爲旗產實非旗產輾轉

盜賊無所不至不獨質惠不能均沾墾務亦難收速效而下此者又或謂漢民日多有礙旗人生計山林
口關有妨牲丁 國貂以及旗地應設旗官不宜民官治理諸說皆非於一偏之見不顧大局之言更卑
卑不足論已總之江省之事非開荒無從下手開荒之舉非招民無從下手以七城之大土地之沃如果
得人而理不出十年不難自立秦天吉林成效不難復見於將來卽以此次軍務言之如使二十年前本
省卽照秦吉辦法則今日者沿邊有民就地有餉防務不期固而自固鎗械軍火亦不匱而自饒何至處
處窘手一蹶不振哉此 奴才備歷之艱苦久蓄之心願雖在授命之際徬徨焉不能自默者也除將前後
陣亡統領營官實在得力文武諸員另片懇 恩外謹恭具遺疏奉 聞伏乞 皇太后 皇上
聖慈矜鑒再此摺係八月初三日夜間屬稿天明止擬敬繕摺報俄兵昨晚至塔哈爾站此時已抵城外
奴才謹卽恭設香案望 闕叩謝伏地長號神魂飛越無任瞻戀哀迫之至又奏七月初一日東路江南
哈爾濱之戰鎮邊練軍右路左營營官吉林候補騎校保林陣亡七月二十日西路小橋子黑山咀等
處之戰鎮邊練軍中路統領花翎二品銜候補協領吉林騎騎校壯勇巴圖魯保全陣亡七月二十二日
北路大嶺之戰鎮邊新軍右路統領通肯正藍旗擬正佐領崇玉鎮邊新軍中路右營營官錦州中後營
騎騎校德春義勝新軍右路右營營官黑龍江城官屯屯官瑞昌等陣亡以上五員以平日勞績論保全

最著崇玉等次之。以此次軍興勞績論保全崇玉並著保林等次之。而打仗奮勇視死如歸五人正如一也。且保全係保林胞弟一門伯仲相繼捐軀益深憫惻。又七月初十日黑龍江城失陷。該城水師四品官扎魯布世管佐領玉慶同時殉難。扎魯布係懷印以殉死後。翻手揮其印。牢不可解。玉慶向通俄語。城陷被執。罵不絕聲。死事尤為慘烈。除瑞昌一員係屬通背副都統東路翼長慶祺之子。為奴才姪孫。不敢仰邀卹典外。其餘六員合無懇恩飭部從優議卹。並准附祀奴才前請立黑龍江城副都統鳳翔專祠。以慰忠魂。而昭觀感。又各軍各營陣亡之哨官哨長人數過多。倉卒不能備錄。且有未據報者。擬並懇恩俟事平後。飭由地方官詳細查明一體賜卹。可否之處。出自鴻慈。謹附片具陳。又奏江省之戰。實由俄人先發難端。非在防文武貪功召戮也。戰事之失利。實由江省兵械兩絀。亦非在防文武辦事不力也。在防實有得力人員。奴才既不忍沒其微勞。且奴才雖死。負疚甚深。苟得一二繼起者。異日稍暇。奴才之愆尤。奴才所深幸也。查有北路醫翼長兼鎮邊新軍後路統領恆玉。樸誠忠勇。膽略冠時。奴才前已於請補省城鎮黃旗佐領摺內略陳梗概。除大嶺以前戰蹟不計外。大嶺失陷後。所部不過馬步一二營。且皆傷殘之餘。幾難成列。該翼長且戰且退。步步為營。未嘗稍失常度。讓者皆謂其勇不可及。其穩尤不可及。此武員之可靠者。又總理營務處兼辦呼蘭稅局刑部主事世燾一等輕車都尉崇瀚。操守清

嚴任勞任怨呼關與哈爾濱隔江相望自七月初間會攻失利以後俄人多方以謀而肆以疲該員與呼
蘭副都統倭克金泰及東路翼長慶順等安頓商民妥籌防務並勸城鄉辦理團練聯絡聲勢雖沿江風
鶴屢警關城卒能巍然獨立支持至於今日者該員佐助之力爲多又有營務處同知銜安徵候補知
縣程德全懇誠飛裕才氣無雙奴才前派恆玉接署北路翼長之時兼派該員赴軍襄贊行未兩日大嶺
失陷該員時抵布特哈他訥歡爾河盛漲河北阻有難民數萬人哭聲震野該員設法一一渡過南岸並
督各站趕挖濠溝爲守禦計尚未集事敵軍已至奴才旋即飭令親赴俄營約俄停戰俄人始則恫喝繼
則驅磨終又欲以官爵羅致之該員以死自矢始終不屈俄人卒亦不敢逼至八月初一日俄帶兵官允
許俄兵至省不開一鎗亦不燒民一房免民一命皆該員所商定也此文員之可靠者以上三員伏懇
天恩俟事平後 飭令東三省將軍查明該各員所在地方送部引見破格錄用則奴才雖死之日猶生
之年謹附片具陳至是 上諭軍機大臣等奉天將軍代遞壽山奏殉難各員請卹片著交部議卹所有
原片及壽山遺摺並保恆玉等片均留存軍機處備查○癸酉奕劻李鴻章電致 行在軍機處現據兼
理直隸藩司高駿麟密稟駐德提督言現接煥昌華軍來函如德兵到彼必與接仗此言與戰書無異
已調德兵前往如華軍不退卽令開礮等語此事變出意外特密稟聞等情查山西藩司升允現駐煥昌

所部生與法人互鬪傷彼數人法兵報復擊斃我軍二三十名正飭排解乃又與德人挑釁揆其意似在阻撓和局但事機至急升允又素不知兵萬一開衅必致禍延督省有礙大局惟有請旨嚴飭錫良升允將所部撤回管境斂兵扼守不得無故生事致干重咎請代奏上諭軍機大臣等奕劻李鴻章蒙電悉廣昌華軍有兩致駐保德提督與戰書無異似意在阻撓和局等語已電飭錫良升允將防營撤回晉疆扼守定明界限各不相犯免滋事端同日接錫良電據稱去臘初間洋兵退出浮圖峪仍不時往來德國副帥兩致防軍各營云祇看長城不到廣昌嗣途中相遇亦接以礮並無決裂裂痕跡忽於初二早洋兵突分三路來撲廣昌萬本華婉爲勸阻彼竟鎗礮齊施傷我弁兵數百人不得已退守艾河初三日洋兵又撲安子嶺士卒民團死傷大半龍泉關守將等退至長城嶺各等語似係有意尋衅所稱致書德提督究竟有無其事現在首禍一條已照懲辦原期早定和局細議各條今又藉口進兵設我兵撤回山西界內防守險要全失洋兵仍復西進不已大局何堪設想著該親王等迅與各使婉商務令洋兵撤回勿再四出滋擾以保和局是爲至要○奕劻李鴻章電致行在軍機處楊使世電約稿十二款節去聞文電陳一俄主願表友好不念滿洲開衅之事允將滿洲全行交還中國吏治一切照舊二東省鐵路合同第六條准該公司設兵保路現因地方未靖該兵不敷須留兵一股至地方平靖及中國將本約末四款

辦到之日爲止三如過變急留駐之兵全力助中國彈壓四此次與俄攻擊華兵尤甚中國允於路工未竣及開行以前不設兵隊他日設兵與俄商定數目軍火禁入滿洲五中國爲保安地方計凡將軍大員辦事不合非交經俄聲請即予革職滿洲內地可設馬步巡捕與俄商定數目軍械除餉供差不用他國人六照中國前允成議中國北境水陸師不用他國人訓練七爲保安地方計租地約第五款路地由地方官就近另立專章並將專條第四款金州自治之權廢除八連界各處如滿蒙及新疆之塔爾巴哈台伊犁喀什噶爾葉爾羌河闕于關等處鐵路及他項利益非俄允許不得讓與他國或他國人非俄允許中國不得自行道路除牛莊外不得將地租與他國人九此次俄兵費各國賠款均應清理俄名下賠款數目期限抵押與各國會同辦理十被毀鐵路暨公司工師被劫產業又遊誤路工賠費均由中國與公司商賠十一上項賠款可與公司商定將全數或分出若干以他項利益作抵該利益可酌改舊合同或另讓利益十二照中國前允成議自幹路或支路向京造一路直達長城照現行路章辦理外部云現因看重貴國邦交貴大臣切屬經俄主戶兵部一再籌議凡可讓之處淘汰已盡所存者均不可少之款若尚未如貴國意實不知辦法等語細釋二款留兵名爲保路實注意京四款禁運滿洲軍火禁用外人練兵並及北省水陸師較滿新疆均有金礦礦路利益一網打盡又建入京支路鐵路賠款用他項利益相抵

蓋指關稅路礦等事隱而未露其侵我兵權利權以圖自便可謂周密深遠凡此均彼牢不可破之成見特乘此時藉此約要求而條訂之也惟據稱六款十二款我早允之禁我設兵指路成以前爲時尚暫禁運軍火係做京約懲換大員不始今日內地彈壓本不須礙長城以北由俄經營英俄早有成約又較戶部口述之款刪去商放將軍派文武員稽察兩節又稍減明察權利之款罷派文武員尤覺輕輒至增阿暫章之一二四五七款暨繳械等事均未開列此卽彼所謂可讓者已盡讓玩彼語氣甚堅各款應如何分別允駁仰祈訓示機宜乞代奏又電奏楊使東電俄主覆書其文曰大俄國大皇帝敬問 大清國大皇帝好貴國出使大臣呈遞賜書詞意甚懇實禱我心此次中國內亂俄辦理一切頗重邦交知已在洞鑒之中敝國曾明白宣布俄無東方事未變宗旨要不外保我鄰邦自主而已現承雅意申謝可見大皇帝深明此意惟無措謠俾有礙 聰聰致謂滿洲之事改變初議深以爲異實大不然各統領所奉訓條一如本國屢次聲明之語本國政府擬與貴國全權大臣商議者止欲尋二百餘年鄰好而愈加篤並不欲稍礙 大皇帝主權且急欲將滿洲全歸中國吏治一切悉照俄兵未據以前辦理惟詳細情節自應訂明俾中國官吏次第復舊免再滋變擾我邊疆凡茲情節此次均應訂明所有發給貴國全權大臣訓條務台所商之事易於成功俾於中國大有益之舉迅得施行是爲至盼中國經此事故恢復舊

規承保太平暨兩國歷久不渝之交誼益加堅固彌殷厚望惟 大皇帝鑒此心焉云 上諭軍機大臣等奕劻李鴻章鑒二電悉俄約已允將滿洲全行交還中國史治照舊第七款內將金州自治之權廢除關係俄土地與全行交還之約相背八款內連界各處如滿蒙及新疆之塔爾巴哈臺伊犁喀什噶爾葉爾羌和闐于闐等處礦路及他項利益非俄允許不得讓與他國或他國人非俄允許中國不得自行造路除牛莊外不准將地租與他人尤侵我自主之權頃據劉坤一電稱日英兩國之意以中國此時與某一國定立條約不可允其獨享利益以及俄土之權必須與各國商辦方能保全等語李鴻章從前曾與俄訂密約中俄交際情形最為熟悉近日該國復到國書情詞適常肥懋聲明不侵我主權現在事機萬緊朝廷惟該大學士是賴楊儒雖張全權其約內極有關繫之處仍須先與俄使切實磋商一面將劉坤一電節各節悉心體察設專願俄約而英德日各國援以相爭是以一俄而掣動各國後患將不可勝言著奕劻李鴻章設法統籌兼顧能將俄與各國各不相下之處銷融無跡斯為妥善將此電諭知之○甲戌以方友升為浙江衢州鎮總兵○調崇善為綏遠城將軍○奕劻李鴻章電致 行在軍機處前致楊使勸電將日本英使議轉告請與俄酌商嗣德美奧先後來轉致其政府電均同鴻請諸國何不徑與俄政府商辦彼謂此事應由中國作主復面商俄格使格云應置不理此我兩國之事與各國無干頃接楊

使冬電勘悉日外部言暨英政府電均以東事應歸公議其設謀用意甚深 諭旨飭斟酌妥籌仰見
朝廷鄭重至意竊以照尊意所屬切商俄各部一節有不得不通籌熟計者當兩月前格使述政府意願
將東事在俄分議彼時卻之甚易速已派全權專商而約款未就欲圖緩議亦尚未晚故備電亦有暫
緩之議乃 國書已遞約稿已交俄主覆書且催早訂今我忽欲改圖恐彼非置不理即嫌我猶豫不理
則告猶不告猶豫則更加藐視倘一言不合竟能交收在備儻事之失小而關係全局實大再圖補救遲
矣愚昧之見如 朝廷決意不欲另立約章應先請 旨收回全權之命並山儒與落使同時傳 旨告
俄外部改歸北京公議一面請英日政府徑商俄政府俄不畏我尚畏公論我不使觸俄怒而英日尚不
致畏俄亦不至遷怒於我況中日同洲英德有約既云應歸公議據理折之振振有詞不為越俎竊慮
彼恐傷俄好不肯告俄善我自言特預為效尤地萬一俄因此決裂即另立約章亦不商議歸地彼效尤
者更為得計大局尤不可問儒非惜一敗口之勞惟轉圖之計必須預籌謹候訓示遵辦請代奏云臣等
查俄國書已覆約稿已交斷無收回全權之理格使雖云不理當已密告其政府可否仍令楊探詢各部
口氣若何再與從容議約總脈緩受為宜 上諭軍機大臣等奕劻李鴻章魚電悉又據劉坤一張之洞
電稱各國之意均以東三省之約為不然此事關係重大非楊探所能了結朝廷深思熟計急遽固非所

宜延緩亦恐誤事著奕劻李鴻章統籌全局悉心籌畫或婉商英德日美奧義各公使通籌一妥善辦法或面商俄使別圖補救總之既不可激俄廷之怒亦不可動各國之憤李鴻章熟悉俄情此中因應機宜尤在該大學士之醫爲操縱耳本日據錫良等電奏洋兵西進不止我軍已退至管界如再前驅勢難坐待著奕劻李鴻章迅速切商阻止即日電覆升允已撤換矣○乙亥諭軍機大臣等據錫良初七兩電稱升允稟懇初德副帥致書陝軍管帶官云來看長城不到廣昌該管帶答以各守各界共維和局實無德兵到彼必與接仗之言恐係漢奸僞造挑蚌刻正嚴密根究務得確情現德兵已由倒馬關五遞嶺分道退去等語又去臘風聞巴搖到獲鹿深責隊員不宜挑蚌當將前捉我軍士兩人放回並云前事彼此不究我軍亦將所捉奸細二人釋歸因關營務處道爾豐復屬井陘知縣致書獲鹿轉達和好之意乃有匪徒散布謠言謂我軍欲襲獲鹿隊員又暗覓教民僞造新聞報激怒瓦帥以實前言而謀西犯道爾豐聞之速函屬井獲兩縣代爲表白惟恐瓦帥未知真情務須告明免再生事等語可見兩處皆由誤聽匪言所致今德兵已退即著奕劻李鴻章將詳細實情轉知瓦提督轉飭德法兩路兵官以後勿再聽信謠言進兵西犯總期早定和局爲要○諭軍機大臣等據盛宣懷電稱衢州教案英使欲歸全權在京議辦在滬無從與商英駐京公使欲誅鎮遠府營及紳士並欲將前撫劉樹堂前臬榮銓革戍查抄竄屬過甚著

奕劻李鴻章將盛宣懷送到全案細核確情與英使切實磋商至所擬撫臬等罪名尤屬臆斷務須竭力駁正前西安縣知縣吳德瀾因極力保護教堂致為亂民戕殺可見地方官並非防範不力更無指使之理務向英使剖明將此案從速了結毋致另生枝節為要○內子奕劻李鴻章電致 行在軍機處頃俄格使來鴻章馮中痛陳俄京約款一事中國如聽各國讒言不願立約則東三省必永為俄有試問東省係何國所佔係由何國交收各國豈能攔越告以約款有過當處應由楊使與各部駁辯如第六款北境水陸師不用他國人教練前使巴德羅福曾有照會總署並未允定十二款自幹路或支路造路直達長城巴使亦有此說並未明白至京今忽添向京二字此二節並非已允成議入款蒙古新疆連界各處礦路利益不得讓他是歸俄壟斷他國若見此約必犯窳怒其言蒙古新疆並無他國覬覦礦路利益者各國禁運軍火正擬商改年限東省亦不應永禁凡此皆當由楊使逐細磋商各國切勿性急格遂請交還東省本國兵部及武官皆不願幸外戶部力持若聽各國浮言猶豫不定兩國邦交大局甚有窒礙且各國無以此語告我政府者獨以不干己事與中國為難必當置之不理除電楊使外請代奏 上諭軍機大臣等奕劻李鴻章陽電悉俄使以此事與各國無涉中國當置之不理其勢固做不到若竟將俄約延宕不辦則三省必不願交還各國將相掣效尤大局不堪設想朝廷體察情形若能乘機借力各國以

國率制必不可允者除來電所指各款外如第七條內將金州自治之權廢除一款一併力與辯論但能做到勿佔據我土地勿壟斷我利權俾各國不致藉口或亦暫宜結束之一法著奕劻李鴻章詳加參酌妥慎辦理一面婉商各使開誠布公協力勸俄相讓勿徒與我暗中為難方臻妥善仍轉電楊儒酌辦

○丁丑諭軍機大臣等俄允交還東三省所擬條約十二款朝廷已飭令全權磋商期改期保自主之權各國亦均以爲不可許惟就中國現在情形而論各國代謀之意固屬可感而勢難獨力堅持激怒於俄因念此中利害不惟中國當熟籌妥計期出萬全即各國亦須互相維持以免環球偏重之勢著呂海寰李盛鐸羅豐祿伍廷芳密商各外部懇具聯約向俄廷營爲排解俾此事得以和平了結誠於中外大局實有神益○戊寅崑岡等奏續查殉難官員文炳玉麟等請從優賜卹九之○己卯奕劻李鴻章電致行在軍機處昨晤日本使詢及東三省交收一事如何辦法告以現今全權大臣楊儒與俄另議約款尙無奪據壞地財政之意但未開各國而俄廷商及此事中國固欲收回三省而各國欲我與俄緩立約何不徑告俄政府辯論再四彼謂宜令各國駐使晤商各外部請其轉致俄廷如不肯轉致則此事各已聲明在案以後可免責言如告而不理其咎亦不在我所言似尙近理因卽日電致英羅使日李使美伍使德呂使其文曰各國駐使先後來言其政府屬爲聲明公約未定以前中國不得與他國立約若讓某國

土地財政之權另立約章恐他國效尤所論是正鴻筭以何不預告俄政府彼謂當由我駐使徑商各外部請其轉致俄廷現俄已與楊使另議約款尙無奪我壤地財政之意催速核准否則暫據將成久據俄用兵力所得今議交收豈能不立約據分約十二款一時尙能就緒又豈能久待各國陸續索款未便倚眾阻撓致中俄決裂亦非各國之利也望善爲說辭遣覆是要等因似卽魚電 旨設法統籌兼顧之意未知果能消融無跡否除電楊使外請代奏 上諭軍機大臣等奕劻等蒸電悉據日使所言電致出使各國大臣各節昨已有旨分電各使轉向各外部婉向俄廷由爲商減與該親王等辦法大致相同惟交還條款俄催速定固難延緩致激俄怒然各國既噴有煩言若置之不理亦恐藉口羣起爲難此中關係甚重該親王等務當籌計萬全總期定約以後各國不致另生枝節力爲妥善至條款內仍有應力與磋商者如陽電所指第六第八第十二各款必須商改鐵路直達長城向京一節又關緊要又第四款路工未竣不設兵隊應專指鐵路邊旁而言軍火禁入滿洲應與公約同時起止不得永禁第七款將金州自治之權廢除亦知孤城留之無益特恐各國卽指爲割地實據藉口效尤耳第八款路礦各利益非俄允不讓他國宜申明中國自辦不在此例或中國借款先儘俄國第十一款上項賠款可將全數或分出若干以他項利益作抵恐係注意陸路關稅及山海關鐵路等事必與言明須與此次公約各國利益相埒該

親王等當妥細統籌務與俄使逐款分晰剖辯力圖挽救並一面電知楊儒按照此電所擬婉切商改毋
誤事機爲要○庚辰調松壽爲湖南巡撫聶緝契爲江蘇巡撫于蔭霖爲湖北巡撫○以周萬順爲河南
河北鎮總兵○電 命出使俄國大臣楊儒呈遞 國書其文曰 大清國 大皇帝敬問大俄國大皇
帝好昨得還書仁人之言大君之度具形楮墨慚感實深嗣由楊儒遞到東三省約章十二條逐細詳釋
似中國主權尙未能保全無礙大皇帝誓云不欲稍礙主權一切悉照俄兵未據以前辦理惟詳細情節
似應訂明免再滋變斯言也光同日月誓等河山今十二條所擬似不盡照未據以前辦理蓋國書君之
言也約章廷臣所議也夫思患預防者謀臣之忠而恤鄰仗義者大君之仁做國東三省業已失守仍以
見運朕闕報不遵但可勉從何忍違異無如東三省主權一失各國皆從而生心中國將無以自立大皇
帝欲力固和局而尙不免藉口分爭度必不忍出此也况來書所云仁至義盡做國自慶如天之福大國
必昭大信之言前此之衅朕知過矣今日之事惟大國實保全之已飭做國全權大臣楊儒與貴國詳加
酌議謹再致書道遠苦衷惟大皇帝終始玉成朕與億萬臣民同深感幸矣○奕劻李鴻章電致 行在
軍機處上年十二月二十五日欽 恩將徐用儀等五員開復原官當卽恭錄 諭旨照會各使旋據該
使等面稱該五員實係力駁攻擊使館致罹大辟代抱不平頃據領銜碼使照稱 諭旨內有數句令人

閣視一似攻擊使館係徐用儀許景澄袁昶聯元立山五員之意按諸國大臣所閱發鈔該五員之奏摺明與此語不符是以諸國大臣未能允在公文中有此等隱括之詞現核定應另請重發開復該五員之諭旨其中務須詳細言明開復權權大辟之五員係因其當日力駁攻擊使館之故等語查 上諭內朝廷以剿撫兩難幾次召見臣工以期折衷一是乃徐用儀等經一再垂詢詞意均涉兩可與廷臣同

召對時所聞之語似有未符使館內來往傳話者眾口一詞是以該使等不願在公文中有此等隱括之語雖係 加恩臣下與外人無干而其獲罪因力駁攻擊使館亦難禁其饒舌若置之不理恐不肯續議別款致礙和局擬仍與該使等婉商未知其甘服否應如何預籌變通之處伏候 聖裁請代奏 上諭

軍機大臣等奏勅李鴻章真電悉上年十二月二十五日開復徐用儀等原官諭旨內剿撫兩難係專指辦理拳匪而言與攻擊使館無涉徐用儀等五員亦並無力駁攻擊使館之奏何從發鈔近來各處報館往往捏造蜚語聳人聽聞各國確保非見報館所私造以致生疑私刻之與官報不難一望而知至懲辦此五員實因當時首禍諸臣乘機誣陷現既加恩開復已足昭雪該親王等務與各使分晰剖明毋再異議○崑岡等奏續查殉難官員德藩緝御等請從優賜卹允之○辛巳惲祖翼奏竊自中興以來懲制兵之失創用募勇無事則練有事則戰因時制宜意甚善也吏治不飭有司視保甲為具文不能實力編排漸

致寇攘充斥於是撥勇剿辦擇要留防轉似所募防營專爲州縣彈壓地方而設置於制兵以外復增制兵而數且倍之殊非創用募勇之初意不獨浙營而浙營爲甚查浙江負山控湖襟江帶海所有水陸防練首營數本適於制兵上年籌辦兵防五月後北軍告警遴派四營入援陸續添募月餉實已不啻在藩司任內卽仰屋竊歎議所以救正之而無策奈何 聖慈忘重驚鉤擢撫是邦若熟視防營之積弊聽顧而不爲之所非特上負 朝廷卽地方亦不可以終日需舉其弊與所以救其弊者爲 皇太后 皇上觀纓陳之夫募勇非難選將爲難材武之將非難廉恥之將爲難勇丁視營哨爲勤惰營哨視統領爲廉恥督撫卽秉公揀派猶懼偶一不當貽誤戎機若揀派時茫無識別甚或營私納賂豈有保吳肯從請託進身韓岳盾以苞苴自售者其得之既以情則矣一符入手不顧操練緝捕爲何事汲汲焉修飾廚傳講求應酬將魚肉其勇而且擲勇側目其將而且涕凡統萬人者往往歲逾萬金尙是廉將此猶指醜助公費坐扣截曠而言而浮冒剋減以圖自肥者猶不與焉各弊之中莫大於缺額人人能言之今且有不缺額而缺額者如每營五百人派員查之人人俱在也乃統領營哨早暮及點名抽查一層暗於各勇中區分等第就技藝之淺深定給餉之多寡貌託師出有名實已鯨吞過半術愈出而愈奇勇日練而日弱盜日防而日多而狃於髮捻戰功者尙謂中國防營捍外侮不足平內患有餘臣愚以爲長此不改恐內

愚亦不易平屆時再謀整頓嗟何及乎今將盪滌宿垢而作新之大抵立法首先自上無瑕始可錄人其責在督撫有以表率夫統領如統領妄有所受於營哨營哨何所受惟有扣勇丁之口糧已耳口糧非他國家之度支小民之膏血而勇丁以性命所易而得之者也乃以供羣虎狼之咀嚼豈不痛哉臣雖有所聞一時未得實據無從輕發其端及經任事立即指明以上各弊剴切通飭各營與之吏始以後如有貪劣將弁仍敢浮冒剋減不缺額而缺額以供請託稅苴之用決不姑容臣衙門巡捕丁役人等相沿各項陋例一概革除淨盡與者受者科罪惟均擬先勵其廉恥而兼謀其材武一面飭州縣嚴查保甲團練以輔制兵之不逮一面遴委廉幹道府酌帶哨勇分往浙東西略如勦剿之法隨時抽點名糧就近誦集合操認真校閱遇有大股盜匪督率營縣兇拿搜剔務絕根株其將弁之操緝勤奮者臣於文牘之外手書致勉購所未能總期合散爲聚化惰爲勤堪備一日之緩急雖然營衛小疾則疏解之足矣受病既深斷非猛劑不爲功天下之病無一不根於利而生統領營哨聞見已慣謂夫督撫所能操以繩其下者撤之而已參之而已撤之則又顧而之他參之則飽颺而去且未幾而實緣開復矣未幾而以將材調用矣於劣將無毫髮之傷而於軍實有邱山之損計惟督以峻法務去太甚如果查有上項各弊確據輕撤重參必監追完繳更按所侵蝕之數計倍誣罰其數鉅而監追不能足數者按監守自盜例照贖支官

權從重律科罪傾倒其疑案並身家亦不可保庶有以振暮氣而戢貪風臣家承節鉞世被國恩地處盤根甘爲怨府宋臣岳飛之言曰文臣不愛錢武官不惜死則天下太平臣因而進一解謂愛錢者必惜死惜死者必愛錢或震於各國一時之強幾謂全恃火器不知其本原仍在臨財廉與士卒同甘苦否則木戰先潰火器徒以濟寇直自伐耳臣既察見致弱之癥結時艱任重斷不敢自外生成市惠避嫌而以姑息將弁轉致敗壞綱紀也可否請旨勅下兵刑各部采臣治亂用重之議嗣後遇將弁贓證確鑿者分別輕重嚴定參革追繳倍罰之例通飭各省軍心庶爲之一振其於時局或冀稍有裨益至浙省不甚得力之營容臣隨時查明以次核實汰遣上諭軍機大臣等惓祖翼奏浙省防營積習太深請飭嚴加頓整一摺昨已諭令許應騭余聯沅確切查明如統帶營哨各官有習氣太重缺額尤著者卽行立予正法以昭炯戒防營種種積弊浙省如此他省亦必不免且恐更有甚於此者言之殊堪痛恨時局艱難至此封疆大吏若不激發天良痛除積習認真整頓何以挽頹風而肅軍政著各直省督撫一律嚴查如有缺額等項情弊卽行據實奏參執法重懲不准稍涉寬縱倘各該督撫仍復瞻徇情面扶同隱飾別經發覺定當一律從嚴懲處決不寬貸懷之慎之原摺均著鈔給閱看將此由五百里諭令知之○甲申奕劻李鴻章電致行在軍機處蒸元電旨敬悉楊使元電應俟各國咨覆再議是尙未開議格使因聞

各國鑄舌中朝游移負氣不肯相商環球科第來函格接本國電云將定期令商妥畫押如逾期須
增出條款再逾期則決裂不與商辦羅使元電英外部但言商明德美日政府並未允向俄廷研解似即
排解俄必堅拒此事竟無結束 國書固甚懇切而部臣未必受商欺恐愈緩愈緊務望熟籌利害相機

因應為要除電楊使外請代奏 上諭軍機大臣等奕劻李鴻章諫電悉俄約應行商改各節十一日電

諭已詳細指明即該親王等陽電亦稱第六第十二款內並非已允成議又第八款礦路一節必犯衆怒
即使各國不行阻撓亦均應婉切商駁况現在紛紛責言但能擇要商改則我可稍資補救即向各國亦
可有辭今勢處兩難必應計出萬全總期訂約以後各國不致另生枝節方妥至熟籌利害相機因應乃
該親王等之責朝廷不能適度也著奕劻李鴻章仍與俄使婉切相商並電楊儒一體設法議改力圖補
救是為至要來電僅稱燕元電悉而十一日真電有並未提及是否錯誤並查覆○乙酉奕劻李鴻章電
致 行在軍機處今日傍晚格使來言俄廷電問中國何日定議畫押答以楊使電應俟各國答覆再議
各使亦向俄使聲明不可遽許格謂此事與各國無干若向俄廷言及必堅拒確回試思東省先與俄戰
俄費許多兵力血戰傷亡若干人而得之今一旦交還實由我皇寬仁外戶部力顧睦誼所訂條款再三
刪減並無礙中國主權若謂恐他國效尤各國現議留兵保護使館及沿途暢道與俄約留兵一股同

且俄留兵尚有撤回之日津奉各處蒙古新開鐵路不得讓與他國若前數年英議定長江利益不許讓與他國德議定山東利益不許讓與他國日本議定福建利益不許讓與他國中國皆已允行何獨新於俄尙慮他國效尤耶我此來實爲交情若置不理我國必有訓條另用公文限期成議勿嫌唐突因允將所言轉奏並電楊使旋又婉商有何通融之法彼謂若以第八款首節第七款金州自治廢除或改作專條密約開礦路官聲明中國自辦不在此例格云伊不敢擅改由楊在俄商辦語畢悻悻而去除電楊使外請代奏上諭軍機大臣等諫電悉前電格使負氣不肯相商今格使既來而言止可乘機向其婉商轉聞其原約內應議改各條已詳十一及昨日電旨第八條鐵路礦務由東北直抵西北所包太廣必犯眾怒第十二條內鐵路修建向京直達長城一語尤爲危險均須極力商改著奕劻李鴻章卽電知楊使遵照前兩次及此次電旨向俄外戶部設法分辦委婉磋磨該親王等亦相機與格使婉商酌辦合力補救至所稱改作專條密約恐亦難免各國藉口總期妥協定約保我政權利權而不致各國有詞生衅是爲至要本日據李盛鐸電奏日外部言英有請責俄廷之說未識如何措詞等語該親王等有無所聞亦密探電覆○戊子諭軍機大臣等據錫良等電稱前遵旨退守營境照會他帥各不相犯專弁送至鞍子嶺德營款待頗優卽刻轉送保定頃據五臺防營稟十八洋兵在長城嶺十里外山頭放礮我軍傷亡同時另股又

攻銅錢溝闖入晉境恐難抵禦等語前庚電稱禍首已辦德兵卽不深入今又進兵攻擊究係何故著奕
劻李鴻章切實向德使詰問務令退出晉境各不相犯以保和局迅卽電覆○諭錫良著開缺另候簡用
山西巡撫著岑春煊調補陝西巡撫著端方護理○命文瑞爲錫伯營領隊大臣○壬辰調馮子材爲貴
州提督張春發爲雲南提督夏毓秀爲湖北提督○奕劻李鴻章電致 行在軍機處頃以楊使馬電迭
晤外部催覆駁款伊初稱戶兵不允商改當反復力爭請以俄履言願作一好樣今反作俑實屬貪言如
必不肯商改我祇好請 朝廷另派幹員或飭新使速來再商伊見儒詞氣激切允再代勸戶兵刪改頃
接囑電又往詢之並述條 旨伊稱昨與戶兵竭力商量幾至齟齬始允略爲改動現正擬稿俟呈我主
閱後再覆云各政府辦法已電詢我駐使得覆再聞 上諭軍機大臣等奕劻李鴻章漢電悉據楊儒電
稱反撥與俄外部爭請已允將前約略爲改動如所改約稿仍有關礙楊儒務當乘機接前迭次電行所
指各節再與婉切商改總以不致各國效尤而害爲妥頃據羅豐祿電稱英蘭侯云現正詰俄並商德美
日中國祇須抱定四國未回信不遽齊押俄不至別有加害俟商定辦法再告又據劉坤一張之洞來電
日總領事梗電云日外部電稱駐俄英使已向俄政府詰以此次所索約款與去年宣布之言不符俄答
以新約並無有礙中外條約之款不過表明俄國願辦之事仍可商議刪改中國寶願速行簽定俄並無

備求押之惡惟聯軍未去北京之前不願即還地是俄並非以決裂爲詞備求定約開議和某大臣謂若望俄交還土地必須速定此約其誤甚矣務請堅拒勿允中國如允此約各國必至效尤馴至瓜分而後已是俄經英日詰問俄亦自知理屈與布告各國之語不符中國不難向其商改各等語詳覽各電俄既不認催迫定約並謂中國願速簽押是懼於各國公議有可轉圜之意奕劻李鴻章務須堅持定見婉商俄使設法從容磋磨務臻穩協又據呂海寰電稱各使倘肯公同調停則公約速結再商俄約乃爲上策聞德索兵費三百兆馬克如西四月以前兵不能撤尙須加增等語是各國公約宜先迅速議定該親王等迅卽向各國妥議各款早定和局毋再延宕尤爲至要再劉坤一張之洞屢請宣示俄約謂此約係俄自定勒派並非我與商訂者無妨布告各國言亦近理或將此約交與各使閱看並著酌辦又擴張之洞電陳俄約效尤之害一俄路駐兵令我供房屋糧食若效尤則蘆漢粵漢鐵路洋兵布滿中國二東三省祇准設巡捕不准設兵若效尤則京城及直隸全省皆不准設兵三東三省撤臺禁礮若效尤則京師及直隸全省皆無一礮四大綱十二條原有禁軍火一條前與英德使電商須定年限英德使覆電均云可以商酌今東三省另立禁軍火一約與內地有礙五北省沿邊蒙古新疆皆不准中國及他國人開礦造路須商俄人北邊數萬里已非我有假如各國效尤英於長江德於山東日於閩法於滇皆不許中

國自開礦路中國全國政治地理財行兵之權皆爲人有且我於東北西北各省准他國人開礦造路
尙是牽制維繫之策亦不能允俄人阻斷他國之請任其壟斷待其吞噬中國一綫生機祇在各國牽制
一語豈可自行割斷六直修鐵路到京俄有護兵而不准我設兵此永遠危險不待效尤等語所論尙爲
透澈奕劻李鴻章楊儒務當詳加參酌總用中國政權利權不至全失毋使各國效尤爲斷○甲午奕劻
李鴻章電致 行在軍機處頃接楊使漾寅電刪改約稿如下四款原文中國允於路工云云至亥句止
現改中國爲保東省路工與開辦鐵路事宜並俄交界無事起見應與俄商定滿洲兵數及駐兵地方禁
軍火入滿洲照各國公約辦理目前暫由中國自禁六款全刪七款尼金州自治之權廢除句刪去八款
改云中國在滿洲全境內如未與俄先行商明不允他國或他國人造路開礦及一切工商利益十二款
改云九十八年九月二十八號中國向一私家公司借款造山海關牛莊新民廳等處鐵路直至滿洲有
背中俄成約現爲酬報此層並爲速令滿洲不滿如常起見中國允東省鐵路公司自幹路或枝路造一
路至直隸滿洲交界處之長城爲止照現行合同辦理句各節照屢次電 旨與陽電刪改又五款革職
字樣現改滿洲內地巡捕兵與俄商定數目下加地方未經全行不定以前十字不用他國人現改
祇用中國人十款交句現改中國允照各國核准駐京各使擬定賠款意旨與該公司商賠句各節經儒

指駁而改按原約共十二款改爲十一款原第七至十二款改爲第六至十一款外部面交改款欣然稱
讚大臣迭次之旨昨均面奏奉諭此次國書備極懇摯又楊使苦心我均甚感動未便固拒可照該使交
來駁款儘力刪改等因戶兵因此不敢堅執章十九其九實可爲中國改今改款經我主批定無可更動
於本日起限十四天畫押逾期則交收作准當告以我 大皇帝與儲均感貴君臣厚意中俄備好本無
事不可和商但恐各國效尤無以應之伊稱此約畫押後當登之官報試問何款可以效尤滿洲我兵力
得之誰能援例等語謹按屢次電 旨晉陽電各駁款除十一款所商未允外十二款雖未允刪亦改去
向京字樣又聲明酬報山海關鐵路可杜異日購買此路之口其餘逐款照改如四款與商駐兵地有
非到處不准駐兵與專指鐵路邊旁之意尙不相背禁軍火照公約亦尙近情六七八等款一一聽命尤
有關係儒駁各節亦稍爭面子十款尼所改即與公約所訂相埒之意較有限制至效尤一層最要者如
七八兩款已改十二款聲明緣由亦難藉口總之視原稿刪改過半不但免各國效尤即蒙古新疆利權
已保全不少上賴 朝廷之洪福俾儒得稍收唇舌之微效實非初料所及惟十一二款未能就我範圍
爲可憾耳二月初七限期迫促外部語氣甚決從違利害有關東省大局乞速請 旨裁奪示遵再約稿
起首文曰 大清國 大皇帝大俄國大皇帝因一千九百年中國內亂有損鄰誼現修繕好俾益堅固

將關係滿洲各節會同商定云云又廿電約款與本電改款均節去無關緊要之字以便電傳合並聲明乞代奏 上諭軍機大臣等奕劻李鴻章轉楊儒電悉俄約更改在俄尙敦睦誼楊儒亦頗贊禱磨惟其中細目尙有窒礙之處恐爲各國藉口如第一款吏治照舊而不及利權兵權應商改爲一切照舊第二款辦到之日止爲日太長應改爲開辦之日爲止第八款尤關緊要現改仍包括太廣必招各國之忌或於一切工商利益句下添中國自行設法造路開礦等項利益不在此例似此添改無多尙不難婉商此外如尙有何關礙之處著奕劻李鴻章楊儒再行詳細推諉務臻妥協限期過迫倉猝定議英日美等國尙無回信仍難免藉詞效尤應再婉商展限總之此事關係大局甚重全賴奕劻李鴻章楊儒彼此電商博訪周諮熟權利害輕重以定進押速伸免俄國及各國別生枝節致遺巨禍是爲至要奉天交還地方著奕劻等電知增祺妥爲接收○乙未奕劻李鴻章電致 行在軍機處頃接楊使敬謹羅使覆稱沙侯云德美日尙無覆音伍使覆稱外部云已電各駐使婉商未便過強呂李覆未到探聞俄外部告英使云俄現商交地章程未變宗旨英使並無詰責之語問答已登路透報昨晤美使據云政府前致中國公文謂如許一國利益爲中國危曾將此文錄送俄外部密詢伊看法如何據云各國請俄須預備決裂中外尙未修好欲速爲中國出力以敵俄大難等語現約款既經刪改若必待各國排解恐俄未必再

礦轉多一異日之酬勞不可不慮乞並奏 聖裁熟籌決計云請代奏 上諭軍機大臣等奕劻李鴻章
沁轉楊儒電悉俄約雖多商改然仍有窒礙之處恐為各國藉口效尤圖我非望各國助我排解也
此約關係利害甚重必須詳細籌辦期限太促務再商請展期寬以時日從長計議方妥卽如第一款吏
治一切照舊應刪去吏治兩字改為一切照舊則政權利權俱包在內第二款辦到之日改為開辦之日
第十款添中國自辦不在此例不款長城鐵路亦須再酌改輕或有詞以謝各國壯已電諭會同妥商酌
辦此事全賴奕劻李鴻章楊儒妥訂細則訂約以後各國不至藉詞貽禍為斷朝廷非必堅持也楊儒可
明告外部中國深賴俄為保全所請展限商改實恐各國藉口效尤為害不能不慎重徐商務請見諒為
要

光緒一百六十六

臣朱壽朋敬編

臣張毓英恭校

二月丁酉朔電 命出使俄國大臣呈遞 國書其文曰 大清國 大皇帝敬問大俄國大皇帝好據
楊儒電奏大皇帝允將前約和平刪改深感大德本應照允惟第一款吏治照舊第四五款滿洲兵及內
地巡捕商定數目第七款全境一切工商利益第九款海鐵路工賠費第十一款自幹路或枝路造一路
至長城皆為北京現議公約所不及聯軍未退各國勢必執定利益同沾藉口勒索在俄國應荷貴邦維
護何事不可通融但日前亟亟圖報貴邦而使各國從旁效尤致各國所獲意外之權利與貴邦相埒
致失我通國永遠之主權誠非大皇帝之所願亦非大皇帝向來相待之本心楊儒轉奏還書欲尋二百
餘年鄰好而愈加篤並不欲稍礙主權且亟將滿洲全歸中國向理一切悉照俄兵未據以前辦理語語
胞摯朕與薄海臣民感激至於零涕現在限期甚迫昨已一面飭令楊儒商請展緩總之事處兩難與其
事後受制於各國不若事前轉懇於貴邦可否請飭下外部將所指約中數處准其刪去俟接照允回電
即當飭令楊儒畫押區區苦衷惟大皇帝格外鑒原○奕劻李鴻章電致 行在軍機處頃俄格使來言

專為俄皇諭旨述外部電文云本部商奉諭旨前讀中國 皇帝國書以拳匪亂實屬中國大錯請我朝廷寬容務將約章難行之處概加刪改刻已改定不能增減一字限期兩禮拜命外部與中國楊使商押示各國以大公且見朝廷與中國寬容之度儼逾限不惟則東三省由我自便所改約章作為罷論著大臣電致駐華使臣格爾思詳達照辦勿稍遲延等因語畢遽起欲去鴻問尙容我商量否格謂已改之約不能再商已定之限若再遲逾禍患甚大又告以英廷現商德美日四國未回信勿遽畫押俄廷看此事如何格云俄廷不論他國意見此約畫後宣示誰敢攔阻請中國熟思願與俄好則畫押若願決裂聽便鴻問尙能展限否格云展限非我敢說亦非我能代傳格去奉沁電 旨仍令商改恐楊使亦難措詞若慮各國效尤照現改之約似不至於貽禍限期初七已滿務求速電畫押以保危局勿多顧慮請代奏除電楊使外 上諭軍機大臣等勸電悉畫押限期甚迫昨沁電兩電指明各條中若再能商請照改更較妥協來電既稱照現改之約似不致貽禍該王大臣等果有確見乃可定議惟英蘭侯曾有候其回信之語仍恐各國藉口將謂私行定約似應明告英及各國以俄已和平商改又定期限甚迫中國勢處萬難不能不允幸知照在先較久不告卽畫稍妥總之此約關係甚重惟在該王大臣等權其利害輕重妥籌定議○己亥電 諭出使各國大臣俄約雖酌改其中尙多窒礙不獨中國之害亦大非各國之利

惟限期甚迫俄告中國辭意決絕勢難獨力轉圜非得各國力助商緩不能從容籌議前英蘭侯有英日德美向俄詰問尚未回信中國勿速許押之語昨全權電奏薩使亦允轉電政府請俄展限滿李威羅羅豐祿伍廷芳速商各外部請速即電達俄廷代請展限總期稍寬時日方可妥爲籌定必各國肯出力助我方能有益該大臣等務須體察情形或密告以各國果能代請展限中國得以籌辦妥協則俄交還東三省後中國甚願與各國會議東三省開辦通商章程大興礦路工商一切事宜俾各國利益均沾亦仍賴各國合力向俄商辦云有此利益各國或可實力相助惟此層務必秘密作爲該大臣等之意不可使俄知之以致激怒貽患爲要著即悉心妥籌向商以同全局仍將商辦情形迅速電聞○庚子諭軍機大臣等俄約限迫昨兩次電行令該王大臣等極其利害輕重妥籌定議諒已遵照熟籌今各督撫及各駐使紛紛電奏均以此約畫押則各國羣起分裂爲害甚重若不速畫仍力向俄婉商再改總以與公約不致歧異則各國無可藉口縱使俄怒而不逼東三省各國必出而公論必不致羣相效尤爲害較輕應飭全權向俄使切商妥改勿違畫押並詢各國公使以滿洲礦路工商利益俄約獨佔鐵路至長城俄亦獨踞恐與公約有礙請各國合力向俄展限商改且請在京早定公約等語衆論相同自難輕率畫押已飭盛宣懷將各疆臣各駐使電奏擇要電達核酌此事關係甚大既無兩全之策則兩害相形自應從其

輕者著奕劻李鴻章按照各電所陳妥細籌度慎重辦理並著楊儒亦據實告俄外戶部中國已復遞國
書相懇實迫於各國公議此約非改妥不敢速定俄主既實心保全中國必不忍強其所難坐視受禍
也該王大臣等其慎圖之○辛丑電 論奕劻李鴻章俄約關係太重雖經諭令奕劻李鴻章楊儒熟權
利害輕重妥籌辦理迄未據切實覆奏昨據各督撫及各駐使紛紛電奏皆以堅持不讓押為言較輕昨
又具國書懇俄展限酌改總以不肯公約各國不致藉口為斷亦未據楊儒覆奏朝廷細思不速許押僅
祇激怒於俄毋則羣起效尤分據其禍尤速即著該王大臣等分告在京各使中國不敢速允俄約許押
請先議公約並著楊儒婉告俄外部中國為各國所迫情形非展限改妥無礙公約不敢速行畫押請格
外見諒○諭軍機大臣等盛宣懷電悉自張家口至京電桿全被毀失亟須修復應用電桿木約五千根
擬按照前案山多倫諸爾所屬圍場採辦等語著照所請即由盛宣懷咨行李鴻章李順派員點驗毋稍
遲延○兵部奏軍部管理京外武職各官凡保舉補奏補旗營綠營應行引見人員統俟查核相符方
能照准自本年五月失和以來一切均行停止七月二十一日 鑾輿西巡公事更無所措手等未能
補救於萬一頁救滋深臣部久為洋人佔據所有案卷焚燬殆盡五月之久並未退出庶務廢弛殊非慎
重員缺之道現在時事稍定臣等公同商酌已督飭司員分司清查日行公事照舊辦理其未出京之司

使先後向中國聲明公約未定以前中國不得與他國議定專約如將英國應有權利奪去英必向中國取償等語似此則先定公約爲是矣奕劻李鴻章婉商各國公使務將公約詳細節目迅速磋商務先行議定免致耽延貽患至俄約關係各國權利各節亦須摘出請各使公議評斷以便向俄商改方免各國藉口效尤如俄因專約未定怒不允定公約即將蘭侯各語切懇各使婉勸俄使勉從衆論俟公約定後卽讓專約此約不敢違棄實因各國牽阻之故請俄格外諒萬一俄怒資欲將前告各國不佔中國土地之文撤回作廢亦意中事務當預懇各使請其勸阻萬勿承允爲要總賴該王大臣統籌全局善爲說詞婉商俄及各國分別辦理以保危局○甲辰論車機大臣等奏蘭侯既有各國駐使向中國聲明公約未定以前不得與他國議立專約之語奕劻李鴻章必早知之當日亟應先行商定公約今爲海軍電稱德外部亦云俄約須由各駐京使公議至公約德自能在京照常辦理等語時電有飭楊儒向俄婉商總照國書所懇將有礙中國主權及關礙各國利益之處全行刪妥不與公約相背各國無可藉口方能定議欽次電旨已詳細聲明設急難釐納惟有切實商懇在京先定公約後再議專約爲最妥楊儒務當盡心竭力婉切商懇先定公約想俄厚意保全中國必能相諒並奏奕劻李鴻章卽在京亦將此意向格使確商卽與各使迅速妥議早定公約以免牽掣推延致誤和局是爲至要○調崇善爲江甯將軍信格

至長城等語全行刪讓以符北京公約可免各國藉口如俄約肯允照改迅速電聞即可定議既可通融
一二日再請多展數日並將中國為難情形婉切懇告或先議公約再議專約中俄唇齒圖報之日正長
毋於此時逼緊俾各國羣起效尤至俄約中有礙中國主權及各國權利與公約不符之處奕劻李鴻章
亦切向各國密商請其公議設法斡旋總期定俄約後各國不與我為難為斷或將此旨煩璞科第轉電
俄外部以期必達○羅豐祿電致 行在軍機處奉 旨 旨儘請關候切實細商云中國權害取輕
擬聽英言不辦俄約無論俄如何舉動英自當以公論相助公約仍可在京商定順直亦必屆時退還至
令俄不向中國為難只能持以公論不能繼以兵力惟向俄展限一節英前以公約未定另訂專約為左
計今如請俄展限勢必自相矛盾譬告以展限為刪改地步如果重以英助塞礙悉除專約何嘗非策
愚再三唇焦舌敝仍執前說至助以利益一層關意公論之力可助兵力必不能助正續電問接准關
侯覆函內開一各國駐使先後向中國聲明公約未定以前中國不得與他國議立專約現再聲明二展
限一節如限內不能將礙礙字句盡行刪去仍屬無用三中國如將俄約畫押實極危險如將英國應有
權利奪去英必向中國取償等語餘與面談同前代奏 上諭軍機大臣等據羅豐祿支電稱英關侯云
不齊俄約無論俄如何舉動英當以公論相助仍可在京商定公約順直亦必屆時退還又函稱各國駐

使先後向中國聲明公約未定以前中國不得與他國議定專約如將英國應有權利奪去英必向中國取償等語似此則先定公約爲是英突向李鴻章婉商各國公使務將公約詳細節目迅速磋商就緒先行議定免致耽延貽患至俄約關係各國權利各節亦須摘出請各使公議評斷以便向俄商改方免各國藉口效尤如俄因專約未定怒不允定公約即將關係各語切懇各使婉勸俄使勉從衆論俟公約定後即議專約此約不敢違背實因各國牽阻之故請俄格外諒萬一俄怒言欲將前告各國不佔中國土地之文撤回作廢亦意中事務當預懇各使請其勸阻萬勿承允爲要總賴該王大臣統籌全局善爲說詞婉商俄及各國分別辦理以保危局○甲辰諭軍機大臣等英蘭侯既有各國駐使向中國聲明公約未定以前不得與他國議立專約之語突向李鴻章必早知之當日亟應先行商定公約今呂海寰電稱德外部亦云俄約須由各駐京使公議至公約德自能在京照常辦理等語時電旨飭楊儒向俄婉商總照國書所懇將有礙中國主權及關係各國利益之處全行刪妥不與公約相背各國無可藉口方能定議餘次電旨已詳細聲明設急難意緒惟有切實商懇在京先定公約後再議專約爲最妥楊儒務當盡心竭力婉切商懇先定公約想俄厚意保全中國必能相諒並英突向李鴻章即在京亦將此意向格使確商即與各使迅速妥議早定公約以免牽掣推延致誤和局是爲至要○調崇善爲江甯將軍信格

爲綏遠城將軍○命載振管理營務處事務○丙午奕劻李鴻章電致 行在軍機處加急頃俄格使又
來述其外部訓條限期已到中國猶游移不肯許押將來禍患實大告以日本使今早來稱其政府已電
俄廷云照現約中國主權已失各國權利亦失勒再商改格云日本所言卽是貴國家與英臣之意如爲
所惑必不許押日本及各國必乘機侵奪另得便宜望中朝堅持定見體念我皇帝寬厚之度顧全兩國
多年睦誼勿再挑釁致誤全局事機急迫求速達 朝廷等語臣等籌思至再日本電俄必不見聽於事
無益若不切實電令許押俄必決裂禍患卽在目前務乞速定大計以救燃眉是爲至幸請代奏又電云
魚中電悉英駐使並無若允俄約立見分裂之說只李使述日外部有此語亦未見確實不允俄約俄必
乘蹙東三省各國亦必藉詞踞地則分裂之勢立見格使持之甚堅如銅牆鐵壁告以英日危詞則付之
一笑疆吏力諫則謂其通謀 朝廷爲難之處似又如拳匪初起時爲難情形釀成巨患也欲俄諒苦衷
必不見諒欲俄全友誼必不能全至公約一節若照現在情形恐一年尙難竣事非商催所能速成至格
使非拒不見見亦百說不入美國荷蘭更不肯爲公斷現已別無辦法謹據實瀝陳又電云加急頃接駐
俄參贊胡惟德編譯陸機祥虞電昨外部忽約欽使往晤問接齊押懇據否並云明晨九鐘須見俄君如
九鐘前無中國電 旨卽以不允此約入告語畢卽起不容贊一詞欽使數日前跌傷右腿行動需人自

外部回書下車震滑又跌甚重現神氣恍惚言語不清看之實深焦灼云請速代奏又電云陽電 旨敬
悉頃據駐俄參贊電轉呈俄約業經議定以後靜觀變態無從商辦璞科第亦不肯轉達矣請代奏 上
諭軍機大臣等陽電庚三次電均悉朝廷屢懲俄廷展限改約實爲各國所迫強次電旨已詳言之不獨
英日力勸謂一經畫押德即先犯山東各國亦將分據即德亦言如有專約牽涉中國財力斷不坐視俄
若決裂公約德自能在京照常辦理美亦言我謂各使在京日明公約未定之前不應與一國立專約英
蘭侯直謂中國如畫俄約危險已極如關英國權利必向中國取償是一經畫押各國釀起分裂各駐使
皆歷歷言之今來電旨不畫押必致決裂其禍甚大但就一而而言倘一畫押該王大臣與各使時相接
晤如果確有把握朝廷自不難照允否則通怒各國禍患立至害之輕重遲速不能不詳細熟權楊儒現
值跌傷恍惚此事尤惟該王大臣是預俄王素著寬仁厚意保全中國李鴻章向與俄習務當於萬難之
中力任其難設法向俄婉商仍以先定公約再議專約勿坐視決裂爲要○戊申諭軍機大臣等俄約限
期已屆萬難置擱不辦必須籌轉圜之法今擬四條如下一楊儒患病不能辦事即應另簡使臣前往接
替二東三省約章德英美日皆請交與各使在京公商三俄廷現覆日本第二節約內如侵礙中國主權
及礙各國利益並無其事則十一款內國書所指刪去數項及此外如有侵礙主權並各國利益者自應

盡除四中國仍願與俄如常敦睦但迫於公論須懇原諱著奕劻李鴻章按此四條照會格使婉切商議候覆並向各使速商定公約爲要○論軍機大臣等松壽奏遵查鹽員虧蝕鉅款請旨懲辦一摺已革運判徐紹垣在任數年虧蝕公款至七十餘萬之多經松壽查明具奏實屬鹽務巨竊例應從嚴懲辦著派緝稟將該革員迅派委員押解行在刑部發配不准稍涉遲違並飭運使程儀洛將虧款逐細查核勒限嚴追如交不足數即將該官犯原籍及淮揚一帶家產全數查抄備抵以重庫款而儆貪婪○已酉諭軍機大臣等沿海電報據德外部稱爲中國計俄約仍應在京公商爲妥京俄兩約本非一事儘可同時並議但俄約不宜混入京約致京約延宕儘俄約辦至畫押或同時或先後均可等語各國來電均願早定公約德廷亦如此論是見公約不可緩議著奕劻李鴻章迅即切商各使務先將公約趕緊商定現在事機緊急該王大臣等休戚與共當必能力爲其難妥速辦理○庚戌調升允爲陝西布政使延祉爲山西布政使○岑春煊奏自光緒二十六年七月奉旨辦理前路糧臺奉賴部款撥濟源源沿途各地方亦能竭力儲備粥糧俾供億度支兩無缺乏其由糧臺支發之款溯自上年七月二十五日開辦之日起截至本年正月二十五日止總計實收過庫平銀五十七萬一千六百餘兩支過庫平銀五十四萬三千二百餘兩以支轉收實存庫平銀二萬八千三百餘兩其四分減平等款前已咨由戶部核撥准其列

作收歛即在實存銀數之內節經按月將收支各款細數造冊咨送戶部核銷在案所發各款均係奉有諭旨及各部院衙門來文可憑並無浮冒現奉 命調補山西巡撫當將標營事務請 旨交何人經理奉 硃批著交端方接管欽此欽遵除將各文案卷宗冊籍銀兩逐交端方接管外謹敬具陳奏入報聞○辛亥奕劻李鴻章電致 行在軍機處頃據料第持示俄戶部維德初七電稱楊使送閱電 旨寬信英日讒言而不信俄廷忠告若與俄有仇者不知英日不敢公然向俄辯論即有言亦斷不聽俄好意待中國反視爲惡意從此應絕交任俄所爲並諭格使以後再議公約祇可加剛勿再作梗如現議續辦外省禍首各國要殺多人俄初未允各國要索巨款俄亦未允今當反是變本加厲矣以俄與中國爲難較各國爲難何如務將此電速告李某等語鴻深知俄士改約維德之力居多今不盡押俄君臣必大怒怒則以後事更難爲正竊電聞接吳王克託初七密電稱自回俄以來於交還滿洲交涉各議概不與聞公知我與辦事諸人意向不同惟現有確實消息我國家見貴國不願將交還之約簽字擬即永踞滿洲但我意兩國終須修好故敢勸閣下盡其權力排解以保危局云今有一綫生機趕發急電令楊使盡押或可挽回大局切勿再有顧慮維吳兩電皆不便覆請代奏 上諭軍機大臣等奕劻李鴻章佳電因綫阻本日始到俄約不盡外部及格使之言雖甚決絕現俄戶部與吳王均有來電雖語氣不同而已露

轉圖之機矣。勳李鴻章亟宜趁此機會，速將中國深感俄廷允還東三省之情，及此次未能如期借押，並非信謬言有負忠告，因各國均執定公約未定之先，不得與一國另立專約之語相資，且謂宜在北京公議先定公約，中國勢處積弱，固深賴俄廷維持，亦豈敢激怒諸鄰，致誤大局。至交還三省將來中俄必須守約，此非務難俄廷，必須見諒，即告格使與各國先將公約平允議結，免使朝廷為難等情。迅即電覆維德與王克託，並託與王從中曲為調停，此事關係甚大，矣勳李鴻章務當趕緊設法因應，但使機有可乘，勿以未便電覆置之。仍一面照會各國京使，迅速先議公約為要。○壬子諭黃槐森著開缺，另候簡用。西巡撫于蔭霖補授。○諭德壽奏廣中紳士募進方物，據呈代奏懇予賜收一摺，該紳等情詞懇摯，出於至誠，深明尊君親上之義，洵堪嘉尚。所進方物，即著賞收。同知楊澧等三十五員，均屬急公奉上，著一體傳旨嘉獎。郎中黎國廉等五員，既集贊成，履復跋涉遠來，情殷仰尤，徵忠愛之忱，三品銜候選郎中黎國廉著以道員，發往福建儘先補用，並賞加二品銜。內閣中書梁懷柱著以侍讀升補二品頂戴。奏留廣西委用道陳昭常著仍以道員分發廣西儘先補用。同知銜分省補用知縣譚學衡著分發江蘇補用。廣西試用府經歷馬慶繁著以原官即補南海縣學宮番禺縣學宮東莞縣明倫堂順德縣澤雲文社，著該督撫擬給匾額各一方，以示優典。○癸丑以錫良為湖北巡撫。○乙卯矣勳李鴻章電致

行在軍機處日美法英德奧比義日本荷蘭十國公使照送查明外省確犯重罪應請嚴懲各員清單
著山西歸綏道鄒文欽陽曲縣白昶直隸灤平縣文星浙江衢州府都司周之德均擬斬決山西汾州府
徐繼鵠忻州徐桂芬和林格爾通判毛世黼托克托城通判樊恩慶署歸化城同知郭之樞寶蓮州司獄
李鳴和盛京副都統晉昌浙江金衢嚴道鮑祖齡直隸清苑縣張內詰湖南衡水道陸文均擬斬候斬
其一死至輕改發極邊永不釋回山西河津縣黃廷光太原府城守石鳳岐壽陽縣秦鑑湖南浙江巡撫
劉樹堂按察使榮銓前徽州鎮喻俊明均擬革職發往極邊永不釋回蒙古塔拉特王綏達將軍承德擬
革爵職永遠監禁倉場侍郎長萃湖南巡撫俞廉三新調河南巡撫松壽均擬革職永不敘用以上二十
五員皆由各大臣查出確有證據詳註罪狀據英參贊述各使之意謂必須先辦方可續商他款籌議撤
兵云至徽州案內各員遵正月齊電 旨竭力砥磨鎮道府均改從輕惟劉樹堂榮銓單內仍擬革戍續
又遣員再三商酌稍有活動口氣似可改為革職永不敘用斷不能再行輕減統計單開共一百四十二
員摘出情罪較重者先行電奏其餘另再具摺馳陳惟嚴懲各員內除鄒文欽已奉 旨正法在逃未獲
承德病故先另電請 旨喻俊明亦據報病故應請扣除外可否俯允所擬先行降 旨以憑傳示各使
速議他款早定和局請代奏 上諭軍機大臣等奕劻李鴻章陳電悉續辦各員不免過重如陽曲縣白

犯濼平縣文星罪關斬決必須有戕害洋人確情如鄭文欽所犯之事方可加以重辟應由該王大臣查核所註證據是否情真罪當再行擬辦電奏至前浙撫劉樹堂前浙臬銓衢州民教滋事均經嚴飭地方官認真彈壓切實查辦其貽卹各款已經余聯沅奏結該撫臬雖係該管上司衢州相距較遠即應得處分亦不至革職永不敘用之重松壽前在江西巡撫任內各屬所出教案均隨時嚴札飭屬加意彈壓秉公查辦惟江西民情强悍民教久不相和以至膠轕甚多一時未能全結予以革職留任處分已屬允協吏未便革職永不敘用愈廉三辦理衢州教案頗能認真教士並有感謝之詞況案已全結即應免其罰議封疆大吏得人甚難未便率予重處且此後民教交涉正須妥議專條以前教案皆因激釀而成並非各疆臣保護不力均須力為剖辨又蒙古塔拉特王係屬外藩尤宜格外保全究竟情罪若何即使果有應得處分亦不過至革爵而止該王大臣等務當切實磋商力顧大局首禍已嚴辦多人勿再多所株連重傷國體大失人心是為至要仍速妥辦以期早定和局○庚申諭軍機大臣等奕劻李鴻章奏電悉法使照稱議賠款立碑碼等事即派張翼周馥妥為辦理惟善後傳教章程最關緊要必須詳細妥議秉公持平能使民教不致相仇方能彼此兩益並著該王大臣督飭張翼周馥悉心酌覈詳定章程切商法使並商請各國公議務臻妥協以期民教相安永弭後患為要○諭軍機大臣等楊儒電奏該侍郎病難

速愈請假調理現擬調呂海寰前往接替著奕劻李鴻章先向俄使商明允否接待即電復○李鴻章奏
奏晉賑捐准獎五品以下實官等各項班次花樣照籌餉例三成核獎欽奉 諭旨允准現辦賑直督後
賑捐自應照辦惟查江南紳富捐輸內有推廣各條如道府一體收捐及道府不論出身與應升與否及
現居何職按四成上兌並武職照文職品級各分成數收捐戰時捐章似更推廣南北同一收捐章程
未便歧異致開趨避之端况賑直獨遭浩劫籌款尤極艱難合無仰懇 天恩俯准將賑直督後賑捐並
照江南奏定紳富捐章一體推廣辦理以廣招徠而起濟蹙仍俟善後事竣即行停止 旨如所請行
○辛酉奕劻李鴻章電致 行在軍機處效電 諭旨飭商松壽被廉三處分被廉三已商准免議於奏
電奏明松壽原註情節稍重竊慮各使不肯鬆口亦不得不相機疏解因思法使事盛人尚爽直江西教
案法國亦多道員與之詳晰開導彼謂江西省究未殺害教士情有可原允出知單與各使商論頃據兩覆
均經籌議允從輕辦似革職留任可以了事堪紓 宸慮原摺單係十八日由驛六百里拜發計月底可
到務乞酌定明降 諭旨將俞撫扣除松撫改輕劉撫榮藩照前電酌辦其餘按照註語可允者即行照
允以免駁回饒舌致礙和局現議賠款數尚未定俟議定可陸續撤兵兵早撤一日費即省一日日賠兵
費百萬月計三千萬我欲其速彼則願拖愈遲愈不合算請代奏又電云前因楊儒病亟請代已商俄使

電請外部若派新使可否接待據格爾思稱外部覆電楊雖病現無交涉要事儘可照章令參贊代辦欽
奉津電 旨擬調呂海寰前往接替著與俄使商明允否接待又往詢格使格謂外部前覆甚明楊請假

赴德奧調理仍可令參贊代辦若速換人外部必不願允否接待不致過問云此事可以緩辦請代奏

上諭軍機大臣等奕劻等敬電悉俟奏到酌辦惟塔拉特王究屬蒙部所註情罪尙須查辦卽予處分更
未便監禁應先與說明仍議他款早定和局不可因查辦耽延致俄款日增前途大電諭催定公約原期
早日完結以免兵費有加無已也直隸境內洋兵四出搜索爲數甚鉅保定德兵官曾以此款將來可歸
入賠款內抵算之說正可就其言商辦一面飭查各州縣將洋兵案款逐一詳細開呈以資抵補卽各省
郵款恐亦不少均應力與磋磨稍紓財力該王大臣休戚相關總當不憚煩難極力商辦爲要楊德准暫
免更換○壬戌端方奏據陝西營後局司道詳稱陝省各州縣向設里民局徵收差徭以備供支各項差
使車輛之用歷經詳定章程奏明辦理在案自上年五月以來察隴諸軍赴擄北上徵調紛繁九月後各
省餉差貢差輻輳來陝西大路衝要各州縣供億繁重十倍尋常兼值歲歉民窮地方凋敝每遇各項
要差過境所需車輛動輒以百數十計局中所備長車此挪彼繼兼顧不遑州縣恐要差延誤每責成里
局供支里局既無錢雇車每強向鄉間借貸里民局復無款可籌民間賠累實已不堪卽如本月間調任

山西巡撫岑春煊率誠信軍赴管需用差車數在三百輛上下均未付價以有限之財力應無窮之供支
值此飢饉悍孽閭閻重困流離墳墓且自救不暇安有餘力應差在州縣悉索以供原非故事煩苛在
地方羅掘既窮猶必勉為支付民情困苦殊可憫矜本司道等再四籌商計非設法變通無以顧差需而
紓民力擬請奏明於本省東西大路起濬關廳以迄長武縣擇地分設官車局派員專辦每所各先預備
差車五六十輛凡有往來差務專歸該局供支如有不足隨時以市價招僱通年經費約計需銀四五萬
兩現司庫久經告匱而民艱所繫萬難擬為緩圖應請無論何款先行動用咨行戶部准其作正開銷一
俟年歲稍豐各屬差徭微有盈餘再行的復舊章用權緩急據該司道等會詳請奏前來奴才覆查陝省
災區過廣民間籽粒皆空若復添派差需勢有不給計惟變通設法庶期供張無乏而民力藉以稍舒至
該司道等所陳需款孔急擬無論何款先行動用之處係為顧恤民困起見似宜准令動支作銷以期簡
捷得旨如所議行○癸亥諭軍機大臣等岑春煊奏山西教案繁重請調員辦理一摺在籍吏部主事
勞乃宣在籍廣西候補道魏瀚直隸候補知府呂增祥著李鴻章許應騫余聯沅分飭各該員迅赴山西
交岑春煊差遣委用○諭軍機大臣等本年恩正併科鄉試前據各該督撫電請停辦已依議行矣有人
奏停辦鄉試有礙大局請照舊舉行以定人心究竟各該省實在情形如何著再詳細體察本日另有六

百里寄諭垂詢並將原摺鈔給函看俟寄到後卽行電覆○甲子奕劻李鴻章電致 行在軍機處法使以劉光才一軍駐紮井陘縣東過於相逼必欲劉軍先退方肯撤兵已五次電致督撫本月二十五日德瓦帥擬添兵由獲鹿進攻法使勸阻頃又據美使來告瓦帥擬廿九日由京添派兵千餘會合保定德兵西進初一續派大隊繼進德法合兵勢不可當非獨晉省遭災更恐牽動大局務請速飭劉軍退紮山西境內如我退彼進尙可有詞詰責否則實難阻止事機甚迫亟須早圖爲妙疑其進兵之意或因此次爲兪松兩撫事力與磋商賠款及使館界停考等事均未定議彼意在速行辦結不耐駁辯之煩事關和議成敗謹據實電聞請代奏軍機大臣奉 旨著岑春煊轉飭劉光才退紮山西境內○崑岡等奏續查殉難官員暨曹祥存等請從優賜卹允之

三月丁卯朔諭李興銳奏特參辦理教案不善之地方官請分別懲處一摺江西署建昌府試用知府翁湘代理南城縣試用通判翁寶仁輕聽謠傳搜查教堂軍火以致刁民滋事釀成焚燬教堂之案兩縣知縣鄧宣猷不能彈壓羣民以致教堂焚掠且於民教控訴詞訟置不稟報屢陵縣知縣馮蘭森於匪徒焚燬教堂搶劫教民不能防範商議賠款又多遲誤安仁縣知縣劉泰蘇並未出示保護教堂彈壓弁兵輒復調回自衛以致猝釀焚燬搶劫重案著部陽縣試用知縣應衷前代理德化縣任內迭出焚搶之案

迨署郡陽縣辦理教案未能持平均著卽行革職豐城縣知縣湯鼎煊高安縣知縣何敏鈞贛縣知縣彭繼昆於民教控案因延不報署吉安府候補知府何師昌代理豐城縣大塊知縣周景祁查辦教案多所諉卸瀘溪縣知縣王慎猷於民教滋事彈壓不力均著撤任摘去頂戴停委一年聽候察看仍責成留緝餘著照所請辦理該部知道○諭軍機大臣等岑春煊卅電悉劉光才一軍撤入竹境原爲德法退兵起見本日據奕劻等電奏德兵已由火車西行雖告德使轉商瓦帥阻止進兵是否肯聽亦無把握獲鹿係法兵駐守與德無涉德忽倡議與法合兵西進敵情叵測不可不防除電飭奕劻等速告法公使劉軍已撤力阻洋兵西進外著岑春煊仍確探情形督飭各軍扼紮竹境擇要嚴防不可稍有疏虞一面電知全權理諭爲要○奕劻李鴻章電致 行在軍機處勅電散悉德法添兵已由火車西去昨面告德使如督軍退款聯軍切勿窮追深入伊謂軍機秘密事由瓦帥主持容爲轉達但不敢必其聽從法使尙要好其將帥皆邀功貪利若德先導法必隨之若我退彼進自應照前言詰責有把握否亦不敢知此事實誤於始謀之不怕疆吏之固執也又懲辦教案之單清苑令係張丙詰拳匪殺教士無力保護罪有應得所議革職永不敘用尙屬允協至其先署武昌在教案已出之後縱令拳目四出擾害查無確據原單誤聽傳言似可置勿論請代奏 上諭軍機大臣等奕劻李鴻章電悉據岑春煊電稱已遵旨照該王大臣與

法商定將井陘劉光才各軍退款管界知府澤宣自法營回與晤法杜提督言劉軍撤後彼軍即退並言
法軍決不過井陘以免我退彼進之疑等語是法已允不進兵與德軍何涉何得藉口添兵西進該王大
臣真無旁計自應據理請開力阻何得謗為尙無把握著即切實商阻儻洋兵再進定惟該王大臣是問
至和約各條關係重大如議賠款及禁運軍火等事節目繁多但宜內外和商詳晰磋商劉坤一張之洞
本係派令會議之大臣並著該王大臣將應行籌議事宜隨時電知互相參酌以期妥慎共維大局是爲
至要○于蔭霖電致 行在軍機處前奉電 旨飭查河北教案安速籌結現候補道馮光元會商法
主教司德望訂立合同議約書押證結河 十一縣共議給銀十七萬兩賠償教堂各款又給倉穀三千
石撫卹各教民武安命案要犯另飭嚴緝其餘各縣滋事案犯分別輕重緝獲枷鎖押以十五名十名
爲度亦不願辦一死罪各教士回境山地方官出資資屋暫住加意保護並請派勇前往武安高村等處
彈壓經此次立約之後凡司德望所管各處教案概作完結賠款立限分償司主教已將教案完結河北
三府應辦各員請勿追究稟報法公使知照等情案已議結當經批飭照議分別辦理遵奉 諭旨先付
銀五萬兩由北鎮撥練軍八十名彈護並嚴飭府縣迅拿案犯恐辦查安陽縣石庚據司德望代爲剖白
並非保護不力先經電陳署滑縣呂翹卿亦據馮光元查詢司德望據稱緝捕勤能作官甚好均請免議

武安知縣陳世倬捐修教士墳墓及租屋撫卹銀一萬三千二百兩穀二百石涉縣車均捐贖房銀二千兩穀二百石並雜項用銀約二百兩均與主教先行議結石庚昌耀卿陳世倬早經出省車均並已開缺回籍現該處教案既經畫押完結主教司德望又有致公使勿追究之言應請免議河北道岑春榮先經撤任辦理未嘗有應得請革職除業經專摺將辦訖情形並善後事宜分晰具奏外謹先電聞請代奏 上諭軍機大臣等據于蔭霖電奏河北教案現經道員馮光元會商法主教司德望議定河北給銀十七萬兩賠償教堂各款又給倉穀三千石撫卹各教民武安命案要犯另飭嚴緝其餘各縣滋事案犯分別輕重緝獲枷鎖押以十五名十名爲度各教士回境由地方官出資賃屋暫住加意保護並派勇前往彈壓安陽縣石庚據司德望代爲剖白並非保護不力警滑縣呂耀卿亦據司德望稱緝捕勤能做官甚好武安縣陳世倬捐修教士墳墓及租屋撫卹銀一萬三千二百兩穀二百石並雜項用銀約二百兩由司主教聲明均請免議河北道岑春榮辦理未善請卹革職償款先付五萬兩餘銀立限分償已據司德望議結畫押所管各處教案概作了結稟報法公使知照等語此案早經河南委員與法國司主教議結畫押所請岑春榮革職及各員免議自應照辦卹著奏勅李鴻章迅速照會各使電覆○戊辰諭

湖南衡州教案現已議結惟愈廢三辦理此案不能辭咎調補河南巡撫松壽前在江西巡撫任內於該

省教堂教士尙能認真保護並未傷害教士惟所屬教案甚多未能一律完結應各予以處分愈嚴三松
均著革職留任○己巳以曹鴻勳爲貴州按察使○諭上年十二月初十日因變通政治力圖自強通
飭京外各大臣各抒所見剴切敷陳以待甄擇近來陸續條奏已復不少惟各疆臣使臣多未奏到此舉
事體重大條件繁多奏牘紛繁務在體察時勢抉擇精當分別可行不可行並考察其行之力不力非有
統匯之區不足以專責成而挈綱領藩設立督辦政務處派慶親王奕劻大學士李鴻章榮祿崑岡王文
韶戶部尙書鹿傳霖爲督辦政務大臣劉坤一張之洞亦著遣爲參預各該王大臣等於一切因革事宜
務當和衷商推悉心詳議次第奏聞俟朕上覽 慈謨隨時擇定俟回鑾後切實頒行示天下以必信必
果無黨無偏之意其政務處提調各官該王大臣等務擇心術純正通達時務之員奏請簡派勿稍率忽
此事予限兩箇月現已過期其未經陳奏者著迅速彙議具奏勿稍遲延觀望將此通諭知之○奕劻李
鴻章電致 行在軍機處頃據英薩使照會以據梧州英領事電于陸霖調廣西巡撫輿情聞信多半惶
怖本省大局巖岫不安而交涉事件尙稱妥洽儻調派于撫院心有成見之員前來恐難照舊善平等語
該領事之說請查前文便能透悉緣前文內曾經言明不應授以巡撫之職如此力駁不意仍調往與交
涉其有干係並有通商口岸兩處之行省應再行詳察作罷因似此不足授職之員不應簡放最妙者令

其優游林下總之無論如何必請尼其粵西之行是爲切要等因查薩使兩次文函一則曰免與和局有礙再則曰因欲保全和局起見該使詞意決不肯聽于撫爲督辦交涉之難吏臣鴻章新從粵督來京稔知粵西洋務近益繁重除兩處口岸外內地教堂林立游匪土棍常滋事端粵督相距寫連勢難兼顧于撫情形既生獨當一而恐難措辦得宜英使屢次饒舌似應妥籌位置請代奏 上諭于陸霖著開缺另候簡用廣西巡撫著李經羲補授○壬申諭前據吏部具奏京員告假章程自去年五月以後告假者概將前資註銷實缺人員扣至三年奏留方准序補業經依議姑念此次變出非常情尙可原當此認真整頓急需用人之際自應特沛恩施悉從寬大所有上年夏間告假之實缺候補各員俟銷假後免其停補扣資悉照舊例辦理用示朕體恤羣僚從寬使過之至意其各激發天良感奮圖報仍責成各部院堂官督飭所屬司員親身辦事不准假手胥吏再滋弊端其各司員品行之賢否才識之短長存心之公私辦事之勤惰並著隨時認真考察秉公甄別以期切實整飭講求治理共濟時艱○丙子命額爾柯本爲錫伯營領隊大臣○以何永盛爲直隸大名鎮總兵○以張廷煊爲浙江布政使希賢爲廣西按察使李紹芬爲陝西按察使陳瑞爲山西按察使○諭軍機大臣等洋兵擅僞管境已過固關殊與前旨不符現聞到處滋擾卽使不任意西趨亦應力與辯論著奕劻李鴻章卽向德法兩使切實詰責阻止務踐前旨

如仍似在直境勒索銀兩將來須在賠款內作抵庶昭允協○諭軍機大臣等本日疊據岑春煊電奏洋兵五千餘分三路西進初五早猛攻娘子關我軍並未遭擊以致弁勇傷亡甚衆已退至平定州查娘子關確係晉境等語前來電洋兵欲派小隊至長城探看爲數無多並無他意今我兵已退其晉境何以洋兵多至五千餘徑至攻擊顯與前日相悖設仍恃強西進是誘我軍自撤要隘彼得肆意長驅該王大臣能當此重咎否著刻卽向德法兩使請責速令退兵以踐前言而保和局迅卽電覆○李端遇等奏上年五月二十一日奉上諭著派李端遇王懿榮爲京師團練大臣會同五城御史督率弁勇嚴密稽查等因欽此嗣復欽奉諭旨御史黃桂滋會同辦理團防事宜欽此等當卽設立總分各局奏調司員招募練勇並將應需經費及一切章程開單奏明在案維時京師戒嚴土匪乘機滋擾等督飭勇丁晝夜巡邏竭力彈壓宵小稍知斂跡不料七月二十一日洋兵入城情形遽變團防事宜遂至無從措手乃將該局勇丁一千五百名逐漸遣散至七月二十四日全數遣盡總分各局卽係是日裁撤現在和局將定各國應卽退兵並文瑞等業經奏請規復五城練勇原額慶親王並奕劻直隸督臣李鴻章亦有調派營勇來京之議既有此項營勇復以五城練勇輔之應足以彈壓地方拿獲土匪其團練勇丁既已遣散在先自毋庸再議規復以節經費至團練局收支款項應卽截清月日據實報銷計自上年五月二十五

日起至七月二十四日止由戶部開支開辦經費及勇餉局費共銀二萬五千二百兩開除總局經費及各局經費及各局置辦軍裝勇丁口糧等項共用銀二萬四千六百七十六兩九錢七分下存銀五百二十三兩三分因洋兵進城各局均被搶無存其團練大臣木質關防擬俟報銷後即行銷燬報聞○丁丑諭上年拳匪肇亂京畿一帶多被擾害以致各官人心煽動焚毀教堂傷害教士教民之案層見疊出朝廷屢降諭旨飭令妥為保護乃地方官奉行不力致釀事端自應分別情罪輕重予以懲處山西歸綏道鄭文欽浙江衢州城守營都司周之德山西前陽曲縣知縣白池均著勒令革職立決直隸灤平縣知縣文昂著李鴻章查明如有賊害教士實據即著勒令革職立決塔拉特王著革職查辦阿拉善土中喀爾王均著傳旨申飭已故直隸總督裕祿駐藏辦事大臣慶喜均著追奪官職浙江巡撫劉樹堂著革職永不敘用飭令回籍布政使榮銓據京副都統管昌熙能江湖都統鳳祥巴彥蘇統領鄂英均著發往極邊充當苦差浙江衢州鎮總兵喻俊明金衢嚴道鮑祖齡湖南衡永郴桂道陸文山西汾州府知府徐繼標著歸化城同知郭之樞隴州知州崔澄賓忻州知州徐桂榮和林格爾通判毛世輔托克托城通判樊恩慶曲沃縣知縣王廷英河津縣知縣黃廷光大寧縣知縣曾季鳳陽縣知縣秦鑑湖太谷縣知縣胡德修孝義縣知縣姚學康寧遠州司獄李鳴和太原城守營石鳳岐均著革職發往極邊永不釋回倉場侍郎長萃呼蘭

城副都統倭克津泰直隸大名鎮總兵王連三景州知州洪壽彭大名縣知縣苗玉珂元城縣知縣張丙
詰南樂縣知縣恭寅河南署南陽鎮總兵尹嘉賓鄆州知州湯似慈浙江衢州府知府洪思堯湖南衡州
府知府裕慶清泉縣知縣鄒炳山西歸化城副都統奎成澤州府知府陶家駒潞城縣知縣羅理高平縣
知縣于岱霖長子縣知縣恩順山東恩縣知縣屠乃勘江西按察使陳澤霖南豐縣知縣鄧家猷南城縣
知縣翁寶仁均著革職永不敘用河北道岑春榮著卽革職河南縣丞李俞仙卽李承瀛著卽斥革其餘
應查情形及姓名各員俟各該省督撫查覆到日再行分別輕重辦理○諭軍機大臣等李鴻章來電悉
大順廣所屬荒歉著准其於山東德州存儲應解通倉漕米內撥給粟米五萬石其隨漕運解各費著一
併撥發以惠災黎○已卯諭軍機大臣等各省鄉試前已降旨將恩正兩科歸併於今年秋間舉行現在
和局將定各士子觀光志切自應仍遵前旨舉行著該督撫各就地方情形詳細體察有無窒礙之處迅
卽據實電奏○以榮慶著倉場侍郎○辛巳諭錫良著開缺另候備用湖北巡撫著端方補授陝西巡撫
著升允護理○奕劻李鴻章電致 行在軍機處文電悉月朔法英德日本四使約那桐徐壽朋周馥赴
德館討論賠償抵款稱賠款須四萬五千萬兩皆以太多則稱各國祇索實用之數並無虛用旋聞中國
究有何款可以作抵皆以賠款數目太鉅甚難籌辦海關稅因鈔價今昔懸殊擬按鈔價加收以作抵款

於洋商無損於中國有益各使稱伊等亦有此意但驟難商定須另籌切實抵款隨備開鹽課常稅折漕土藥並開辦印花稅房捐等項答以舊有之款均有要用新籌之款驟難辦成惟賠款總不可不籌竭力騰挪運海關加收每年至多能籌至一千五百萬兩各使稱如此則須六十年方能攤完伊等擬請每年籌付三千萬兩三十年可完按借債週息五釐二十年本利相平四百五十兆三十年成九百兆計週息三釐三毫有零利息尙不爲重答以分三十年攤畢款實難籌各使又稱內中尙有一二國願得現銀者可否商借現銀付給答以中國情願攤還不願借債是日各使相約因赫德前曾分送節略臚列京外各進款及改革辦法該使等願借面談考證並非與那桐等議事及告以累年入不敷出暨一切改革爲難情形各使稱俟再商而散嗣由鴻章晤英美日本等使均屬將賠款大減美使稱彼國政府謂中國力量不過能賠至三萬一千萬兩爲止擬向各國勸減但須籌備現銀英使則稱四百五十兆兩可作準數日本使則以洋貨加稅爲是但稱必須英國肯允詢之英使則稱中國稅章將來必須大減莫妙於將釐金及土貨出口稅全行免去專徵進口洋稅此豈一時所能辦到由奕劻面詢赫德據稱各使意見不一有願攤還者有願索現銀者如付現銀必須借債付四百五十兆之款必須借六百兆方能敷用以週息四釐計之三十年須加惠七百二十兆大不合算又稱斷不可以抵款難籌推託恐各國藉口佔地自籌

爲害尤大各使約須至四月底方與全樞會議莫如及此閒暇先與政府戶部各督撫通盤籌畫速定大計總期能指有的款作抵先辦撤兵是爲要著至自用無論如何爲難於撤兵後另籌則不加費之累若俟會議時再行往覆籌商各督撫意見不同多煩商酌恐議論未定而賠款又增數千萬矣所言極爲有理正擬電奏請 旨飭下戶部及各督撫力顧大局通盤籌辦以解倒懸之急適接軍機處來電請將籌議情形據實陳明除電江督鄂督外請代奏 上諭軍機大臣等頗電已悉借款一節已諭劉坤一張之洞悉心籌畫彼此電商定計並諭各督撫就各省情形每年節省若干切實妥籌以期湊集抵償至展寬年限議改銀數仍著實心磋商毋稍鬆動擬案現銀者究係何國萬不可允並查覆○諭軍機大臣等奏勸李鴻章電奏各國索賠款四百五十兆各情仍飭商寬期議減分年攤還此次償款爲數過鉅自應分飭各督撫合力通籌各省庫款支絀朝廷固所深知然當事處萬難必須竭力籌措確有指抵之款庶不致各國藉口侵我自主和權著各省通盤敷計將一切可省之費竭力裁節至地丁清折鹽課釐金等項更當剔除中飽涓滴歸公此外應如何設法之處亦須悉心籌度不遺餘力以期湊集抵償該督撫等受恩深重其各激發人良力維大局不得以無款可籌稍存諉卸現在款議漸將就緒爲期甚迫著卽將籌定情形迅速電奏○壬午諭軍機大臣等據岑春煊電稱晉山後一帶謠傳蒙古四子王部落調兵仇

教近以洋兵經過蒙兵開鎗竭力排解恩事現歸綏道與教士商辦教案甫有端倪深恐蒙兵滋事致礙和局等語本日已電飭理藩院轉飭蒙古四子王將所部兵民妥爲約束卽經奉順就近認真查察毋任滋生事端是爲至要將此由六百里諭令知之○諭陸潤庠奏上年七月二十日以後曾經在京帶到嗣赴行在各員開留京各署仍行開缺扣資等語前經降旨上年夏間告假之缺缺候補各員銷假後免其停補扣資本係一體加恩豈有七月二十日以後告假及赴行在各員反仍停補扣資之理著吏部欽遵前旨無論七月二十日以前以後均一律辦理無稍誤會○劉坤一品銜奏王之春電致行在軍機處奏電 旨垂訓鄉試事宜 朝廷嘉惠士林本應一律開考惟時局尙未大定長江一帶匪徒思竄接英領事兩近日確聞票匪鹽匪游勇及各會匪蹤在長江合夥定期起事等語又經訪聞有回大票運銀十萬並炸藥多箱入江正在通飭嚴密防範認真拿辦著照常開考驟聚上下江數萬人於省城稽查難周奸究易於潛跡深恐滋生弊端等往返電商並面商司道均以展緩爲宜可否仰懇 天恩俯准本年鄉試展至明年秋間舉行伏維 聖裁謹據實電陳請代奏軍機大臣奉 旨劉坤一等電悉江南鄉試著准其展至明年秋間舉行○癸未以陳夔龍爲河南布政使張仁黼爲順天府府尹○崑岡等奏續查列難官員松鶴文森等請從優賜卹允之○甲申諭軍機大臣等記名提督李成金補用守備吳景

琦儘先千總劉榮能著革職拿問著岑春煊派員押解行在刑部嚴行審訊定擬具奏在逃之署孟縣知縣張壬林著卽革職通飭嚴緝務獲懲辦將此諭令知之○丁亥于蔭霖奏臣於上年欽奉 上諭飭將回鑾經過地方失期籌備遊卽委員周應勛將擬辦情形繪圖貼說專摺奏明並飭司設立供支局擇要撥款派員籌辦在案茲據布政使延祉詳稱遊查 踴路所經自閩鄉縣入河南境至安陽縣出境共備正站二十三處腰站二十三處所有平治道途修築 行宮建造橋梁舟楫以及中途 御用均係懷遊 諭旨僅求整潔擇其必不可少者略具規模已由司庫陸續發銀十八萬兩此外撥節估計不敷尚鉅雖用款不能預定非先籌撥銀二三十萬兩不足以備臨時之需應請將由豫過境無論何省京餉截留二十萬兩以備供支等情詳請具奏前來臣伏查該司此次籌備供支委係切實助辦仰體 朝廷愛惜物力崇尚節儉之至意並不敢稍從華美其需用銀兩豫省近依 聖轍恭值 聖華臨幸閩省官民幸得瞻 天仰 聖自當各効篋篋迎師之分以竭葵藿向日之忱用款稍多豈敢意存推諉卽有不敷止可商同各省協濟以昭率土尊親之義原未便請留正款但豫省課儲將罄現存者止有此數無可騰挪商求留濟在各省亦諒無可辭惟文牘往返籌解需時而沿途工程及應備供張各件又未可再行從緩以致臨時竭蹶應准如該司所議仰懇 天恩無論何省京餉過境准其截留銀二十萬兩俾得預爲

布置無誤要需得 旨著照所請戶部知道○庚寅諭軍機大臣等此次商議償款中國常年度支除指抵外不敷甚鉅必須設法另籌贖務爲餉源大宗近聞有欲謀贖辦者更應先自認真預籌辦理從前四川贖務丁寶楨破除情面切實整頓至今增款甚巨自應仿照妥辦以期加多庫款著劉坤一張之洞麥倭陶樸許應駟魏光燾丁振鐸袁世凱岑春煊余聯沅各就地方情形詳加體察應如何設法變通剔除中飽糜緝漏私痛革官商一切積弊並酌量加釐加課之處悉心籌辦迅速覆奏○壬辰電 諭奕劻李鴻章知悉京城各國使署界址中所築礙礙逼近禁城著與各國使臣盡力磋商設法阻止其保護北省鐵路之洋兵著商令多留若干名以資彈壓火車站須設在京城之外毋許直駛入京以慎關防而重體制○諭軍機大臣等近日商議條款如何情形數日未據奕劻等電奏殊深座系賠款一節前據電稱四月底方能開議如遲至彼時設仍須辯論則又多延時日能否設法催辦竭力磋商速定公約以期早日撤兵該三大臣務將商議情形隨時電奏○癸巳調孫家鼐爲吏部尚書徐部爲禮部尚書○調程文炳爲長江水師提督黃少春爲福建陸路提督○乙未李鴻章奏查順直所屬殉難官紳婦女沈春懷鍾觀復陳焦氏等請從優賜卹允之